



保古堂印

附遺著

辛廬遺詩



辛亥春開鐫
甲寅冬刊成

莘廬遺詩序

詩之爲物有表有裏其表曰音節其裏曰性靈此凡詩之所同也而今詩與古詩不同風詩與雅頌又異則世人未之知也昔鄭漁仲論詩謂樂以詩爲本詩以聲爲用三百篇詩所重在聲律自齊魯韓毛四家以義理相授學士經生遂不識詩傳其業者僅在矇瞍魏武平劉表得漢雅樂郎杜夔尙能歌鹿鳴騶虞代檀文王四篇及晉室而四篇又失傳於是三百篇之聲歌盡亡然周以前之詩亡而周以後之詩未亡樂府之作本同風雅徒以行世旣久崔豹之流以義說名吳兢之徒以事解目其弊與齊魯韓毛之說詩無異而章句雖存聲樂無用亦與雅頌

莘廬遺詩

序

一

同慨焉夫詩以聲爲用三百篇與樂府其聲旣亡則其用已失矣後人追襲其體雖塗改清廟點綴生民亦何補於風教此則變而之善近體之詩所以作也蓋四聲之發明本在齊梁以後四聲明而文字有鏗鏘之用近體之作善用四聲不待管絃而自成節奏若手執一卷低吟高唱文情之感卽生於抑揚頓挫之間詩之爲用正在於此舍此而談古是舍有用而趨無用也此其所蔽一也然古今之不同在乎聲與詩之離合若六義之別所謂賦比興風雅頌者則古今之詩一也古詩言志今詩亦言志志之不同隨乎其境風土之音曰風朝廷之音曰雅宗廟之音曰頌頌者容也形容功德雅者記也記事納言風者諷也

賢人君子隱而在下託於勞人思婦之作以寫民間之疾苦而諷當世之是非故與觀羣怨風之爲用最多也三者不相混孔子正樂必曰雅頌得所漁仲錄樂府亦以風雅頌明其用唐宋至今積詩累萬品詩者但論辭句意象而不問六義作詩者惟務形摹影襲而不審所用蓋上無陳詩之制下亦無國風哀樂之情也此其所蔽二也然則爲今人則宜爲今詩爲今詩則宜以音節爲重爲風人則宜爲風詩爲風詩則宜以性靈爲主夫長於音節而不矜體貌富於性靈而不涉虛誕者其惟凌君磬生之詩乎磬生祖籍吳江爲嘉善潘賞坡先生高弟余少隨侍先大夫宦遊蘇垣咸豐之季避兵江鄉主居沈氏江曲書莊

莘廬遺詩

序

去歲奉

朝命自粵東移節金陵而磬生已先歸道山沈子詠詔以磬生莘廬詩見示謂將付之梓人請以一言弁簡端余維莘廬少抱儒才值咸同世變流離悲悼淡而爲詩人中年以後悲兒悼懼又遭回祿孤吟者垂四十年近世學術日新詞章益不爲世用而詩道轉益見尊有識之士必將發明詩旨知古今之變而專研音節識風詩之用而趨重性靈則莘廬之詩其先唱也孔子曰違山十里螻蛄之聲猶聞於耳自此以後吳山越水之閒常

有蠓蛄之聲者卽此詩也夫爰樂爲之序宣統二年庚戌春豐
潤張人駿序

辛廬遺詩

序

三

凌磬生府君行述

府君姓凌諱泗字斷仲號磬生晚自號莘廬吳江人先世有明諸生諱履者自安吉遷吳江之黎里四傳諱信憲宗朝使安南有功官太常寺少卿三傳邑庠生諱濱再遷南傳村又遷莘塔是爲府君十世祖曾祖煜文國學生候選縣丞妣陳祖高榮國學生候選縣丞妣張考大鯤國學生候選州判妣張及費兩世皆以府君職 貤贈 贈奉直大夫妣皆宜人兄弟三人長洙早卒幼沆字廉叔府君其仲也幼穎異讀書目數行下未弱冠作文洒洒千餘言大父喬松公甚異之道光二十八年喬松公卒府君益勉學咸豐三年癸丑歲試補縣學生六年丙辰以歲

莘廬遺詩

行述

一

試第一食廩餼文名噪一時與從祖弟礪生先生淦同受業於潘箕坡先生緯陳子松先生壽熊以文行相切劇病當世操觚家專守時俗骯骯膚陋之文形摹聲襲流風相師欲力矯其弊雖爲制舉文動與古會惟陳言之務去遠近宗仰稱二難同邑沈南一先生曰富陸雪亭先生曰愛柳蒔庵先生兆薰咸折輩行與交蓋自英年已慨然有志於古人述作之林矣九年己未恩科江南借浙闈鄉試礪生先生與同祖兄百川先生濟皆捷而府君獨見遺十年三月粵匪自江甯竄蘇常諸郡四月陷邑城莘塔直邑東地僻而阻水乃佐其父二堤公鳩族與里人謀團練部勒鄉民繕守具而身任籌畫訓練之責勤勞禁至旣

而同里黎里相繼陷獨余家團練兵保雪巷幸完乃相倚角地
小援絕餉更奇絀因於七月全家走上海二堤公以憂勞交積
病沒奉賢之莊行鎮渴葬華亭亭林鄉明年辛酉秋府君配費
宜人又病沒滬上遺一女同治元年壬戌費太宜人復棄養斷
軫失蔭相逼而來府君以才華跌宕年少氣盛之時忽際此流
離顛沛死亡變故極人生未有之艱雖同谷七哀不足喻其悲
愴矣乃於是冬攜弱弟幼女銜恤旋里甫抵家卽以詩哭子松
先生訪雪亭先生柳子屏先生以蕃及諸故舊於兵燹村落之
中話亂離情事而大亂亦自此漸平矣三年甲子冬再娶黃宜
人爲先人營葬又爲弟就婚上海家素饒及是乃中落稍規復

莘廬遺詩

行述

二

田園得有甯宇仍劬治舊業七年戊辰考就恩貢十二年癸酉
鄉試落副於是府君年四十二矣自念精力漸退以例得內閣
中書不赴職亦遂不應舉一留意於邑中文獻光緒初礪生先
生輯松陵文錄吳江續志二書府君與青浦熊純叔先生其英
同邑李辛垞先生齡壽共事甄錄分任參校書成而礪生先生
熊先生有豫振之行時吳中大舉義振府君則與礪生先生之
弟雨亭先生在家任募捐彙解報告諸事越半載而礪生先生
歸自豫築室曰退修與府君昕夕晤言表章師學嘗謂我邑文
章經術之事自陳子松沈南一兩先生後我輩居絕續之交當
以守先待後爲己任毋使失傳府君旣温文爾雅不問家人生

產尤不善貨殖爲人所給乃以砂棧虧累訟繫滬江久而得息
比歸而二子敏之寶樹密之寶樞同爲縣學生皆年少有才而
媚學府君爲次第婚娶自謂向平願畢傳業有人可以無憾詎
不逾年而密之婦陶氏先亡敏之密之先後遭奇疾丙戌丁亥
閒密之亡越一月而敏之又亡黃宜人遂以憂傷致疾越戊子
六月卒時費宜人所生女已前卒府君以垂暮之年遭此慘酷
所餘惟畏畏寡媳無復人境乃立弟長孫寶棠子光祖爲敏之
後蓋自喪亂後甲子再造之家室至是越二十四年而又成幻
夢使非曠視遠觀其能優游以盡此天年乎然臣精銷亡自此
始矣十五年己丑蔣宜人來嬪枯楊載稊有樂天安命之志辛
莘廬遺詩

行述

三

卯春與吳謝綬之先生家福姚鳳生先生孟起同邑任友廉先
生艾生施邕白先生紹書探梅鄧尉作浮梅日記壬辰約舊侶
更招呂費我庵先生延釐秀水沈歐齋先生景修同續舊遊並
遊虞山作七友探梅圖癸巳復重遊又挈眷遊武林流連山水
若將終身焉二十一年乙未九月礪生先生沒於滬府君往經
紀其喪歸益無聊不謂天之厄府君猶未已也蔣宜人生子彌
月不育寡媳亦亡庚子春居宅不戒於火焚其庖逾月復火堂
樓俱燬所藏半燼遂遷寓平望鎮而曩人故侶頻年彫謝回顧
舊游如晨星墜雨之不可復聚感逝懷人益憎怛於是客居
閉戶絕交息游閒讀參同契悟真篇諸書學養生呼吸之術行

之數年維時邑中耆宿惟府君爲碩果之存三十一年乙巳
詔廢科舉興學堂各州縣學會學務公所次第成立十一月兩
邑人士開會於江城府君於是被舉爲學務公所總理任事一
年府君自以年力衰老城鄉迢隔懼不稱職值 部定新章各
州縣學會統改教育會學務公所改勸學所復於丙午十月閏
會府君至會場宣告辭職並請公眾勿再舉言詞肫切眾鑒其
誠乃另舉府君得遂初志欣然歸十一月二十九日自莘溪故
里返鶯湖寓次十二月十六日偶患痰火症越三日跌坐而逝
若無疾者殆有得於黃庭內景之微矣府君性和易不立崖岸
好獎借後進與礪生先生同負鄉里重名晚年境遇亦略同而

莘廬遺詩

行述

四

志趣微別長於詩賦少時與元和陶芭生先生然同爲無雙譜
試帖詩稱於時純叔先生所謂於一弓地造五鳳樓者也長更
喪亂覃思銳志益致力於詩古文辭爲境所迫詩益工古文亦
簡嚴峭折顧不多作著有五畝園志餘五畝園百詠松陵水災
新樂府已刊行莘廬詩文集浮梅日記游杭日記後悼亡詩藏
於家其所分纂之書雖與同人並預參校恆任其勞礪生先生
編輯文錄邑志徵文考獻多藉府君之力又曾與礪生先生校
刊徐侯齋先生讀史稗語一書行於世綏之先生刊陳先生靜
遠堂集熊先生恥不逮齋集李先生菀齋集皆以編校屬府君
子屏先生卒其所著食古齋詩文府君爲之編勘序而行之蔣

宜人父受之先生寶禾著有粟香齋試帖亦序而刊之其於師友遺著蓋拳拳惟恐或失也先是庚申六月賊陷黎里子松先生辦團練禦賊復以身衛母被數創傷及右手虎口先生之婦及次女皆死母得無恙翌日賊退府君專舟迎先生母子至家居兩月創漸合華塔不守府君去滬先生奉母歸黎里府君自滬屢函招之不出九月先生書致府君以中指無名指夾管而書自言憂憤臥病金瘡迸裂有絕糧厄旦夕死諄諄以老母爲託越三日而先生訃至觀於此而府君之於師友蓋可見矣力於鄉里善舉尤勤於保嬰歲有常費屬司事至鄉稽查勿任虛糜府君弟廉叔丈先卒病篤以北蘆墟橋久圯宜重修爲府

莘蘆遺詩

行述

五

君言府君卽於廉叔丈喪時首自刼捐與陸西巖丈擁書共任籌募剋日興工費千金橋以成府君謂人曰此我弟之志也從子寶蔡體羸多病先府君兩月卒其婦先亡府君歸爲之立後遺女四與爲後之家分養之府君旣喪兩才子而羣從中之有才者多夭折於是常屬望於族中後起急欲立義莊爲敬宗收族計因割其產之半凡上腴田五百餘畝別爲簿記備爲義莊田已稟縣而未及詳請立案臨終遺囑蔣宜人及嗣孫光祖謂不可不成其志也觀於此而府君之於宗族兄弟亦可見矣府君好藏書精鑒別舊藏有族祖明忠介公義渠私印及其家書又顧亭林先生天下郡國利病書徐俟齋先生讀史類編皆鈔

本巨帙當時皆未刻今願書已風行矣又得李尙之先生讀本漢書其律厯志眉端評注丹鉛殆滿其餘孤行本鈔本及叢殘未刻之詩文彙尤多被災後僅有存矣廷鏞娶於凌爲雨亭先生子壻於府君爲尊行又與敏之密之同爲縣學生同讀書故江曲書莊文字交深因得時問業於府君受府君知愛自敏之密之亡兩家多故又先後同遭回祿同播遷散處與府君俱相見輒相歔歔相慰藉近年府君綜理兩邑學務鏞與柳君已仲慕曾同辦學幸得常追隨於公所去冬謁府君於里第爲鏞言密之遺著吳疆域圖說幸尙在又以張叔未先生手鈔吳漢槎先生在塞外時同人投贈詩函曰秋笳餘韻屬編次叢殘入國

萃廬遺詩

行述

六

粹叢書其後江城開會府君蒞會見精神猶矍鑠如故迨十二月鏞有滬江之行比歸而聞府君之訃未及會喪悲詫交集嗚呼自府君亡而吾鄉文獻與之俱亡矣後生戚末更何從考信何所依仰嗚呼哀哉嗣孫光祖以年少不能備知府君之前事及其行誼學術而府君故知零落殆盡以行述屬鏞鏞不之豈能述府君然尤不敢使府君湮沒謹就府君詩文彙參以往已見聞詮次大略冀當世立言君子賜之誌銘碑傳之屬俾後之修志乘者有考焉

府君生道光十二年閏九月二十二日卒光緒三十二年十一月十九日年七十有五配費宜人秀水庠生諱汝桂女前卒繼

配黃宜人邑 誥封通奉大夫 諱 慶瀾女前卒繼配蔣宜人青
浦增廣生 諱 寶禾女子四寶樹縣學生娶陸氏寶樞縣學生娶
陶氏皆前卒寶權幼殤皆黃宜人出詒果幼殤蔣宜人出女一
殤字於朱費宜人出孫光祖娶陶氏前卒繼娶范氏光祖既扶
櫬還里將於光緒三十三年某月某日合葬府君於青浦三十
九圖鱗東南圩新塋謹序次之如右通家子沈廷鏞謹述

莘廬遺詩

行述

七

莘廬遺詩目錄

卷一

庚申至甲申古今體詩八十四首

卷二

丁亥戊子古今體詩八十八首

卷三

己丑古今體詩九十五首

卷四

庚寅至癸卯古今體詩五十八首

卷五

莘廬遺詩目錄

雜存古今體詩八十四首

卷六

桃塢百詠

附遺著

浮梅日記

詩餘

雜文

庚申至甲申古今體詩八十四首

卷一

莘廬遺詩目錄

辛廬遺詩卷一

吳江凌 泗磬生



庚申 三首

忽聞

忽聞跋扈起潛鱗有客長吁話析津東下旌旗猶望雨北來消息又蒙塵冷攤天上流傳物縮本江南圖畫春京口殘山淤膾水不知何地可垂綸

庚申秋避兵滬上二首

側身四海悵何之三泖東趨滬北湄客處本為唐屬國我來重見漢官儀地當互市關全局天遣流民借一枝入谷下喬時勢

辛廬遺詩 卷一 一

異漫疑錯讀古風詩
烽煙回首渺江村消息傳來總淚痕除此更無乾淨土即今猶有未招魂國殤野外成私誅家祭文中告幸存夢裏不知身近海潮聲驚起月黃昏

鄉間警信俗謂潮頭

辛酉 三首

磨竭

試從磨竭命宮推坐此韓蘇謫海隈萬里潮陽遷客去扁舟儻耳秃翁來昔賢淪落經三徙今我流離況七哀卻愧少陵天寶後感時無事老詩才

七夕感懷秦少園觀察 兆蘭 同作二首

莽莽乾坤浩劫中全家飄泊海天東人依鬼活生涯短聖欲夷
居吾道窮渴葬春泥嚼客燕先府君極權葬華亭縣鄉間實春秋麻泣鰥鴻

余於初三日悼亡相逢如抱流離恨似此傷心較未同

麻鞋辛苦賊中來客裏團沙酒一盃河漢西流烏樹匝大江東

去鶴風哀穿鍼都作拋家髻織錦難尋避債臺薛中丞勒捐觀察十萬奉兵部

火票罰流戌觀察句云風塵待逐二千里雲錦難償十萬錢投筆徑思共浮海南豐節鉞正

需才

壬戌二十八首

滬上雜詩和秦少園觀察韻八首

書空心緒已蹉跎咄咄偏驚怪事多萬國會同歧正朔八音過

莘廬遺詩

卷一

二

密沸笙歌上樑夜哭秋墳鬼危幕朝酣春夢婆斗大孤城衣帶

水居然表裏有山河

經傳山海註紛紜一自移家入見聞白馬青牛參異教東鷄西

鯀狎同羣迷樓紀事顏師古絕域方言楊子雲卻笑乘槎多鑿

空漢時荒遠尙無垠

七百年前禱大蘇至今成市景追逋退洲花木羣芳譜外海春

秋列國圖避地翻從籬下寄置身宛在鏡中摹須知世界琉璃

脆風捲煙消蜃氣俱

華嚴湧現劫灰餘幻出情天忉利居一樣春鐙嬉白下幾人秋

夢感黃初西風未醒迷花蝶微雨爭歡涸轍魚昨夜將軍方顧

曲枇杷巷口促軍書

漫說揚塵枯海頭繁華絕勝舊時遊豪商金盡東南窟蕩婦名

高西北樓瑤草芬芳俾晝夜唐花身世小春秋劇憐冷眼從旁

看付與新亭淚暗流

鼙鼓聲聲動地連霓裳猶自舞當筵變童叟女無遮會火樹銀

花不夜天蔓草蘇臺迷鹿蹟落花燕市泣龜年少陵感舊香山

謫併入滄桑一泣然

懷柔薄海識親尊值此時艱亦外援已歎灞軍兒共戲又教曹

社鬼連屯馳驅欲盡齊東畝管鑰偏司鄭北門城外築馬路馬車往來無礙開

新北門夷兵稽查大夏未通回鶻借漢唐遺事忍重論時議設會防局

莘廬遺詩

卷一

三

蒿目中原幾戰場萬方多難此豐昌邸鈔風遞新聞紙番騎雲

屯舊講堂夷兵借居學宮西北嗽鴻紆糴使籌辦京米捐東南孔雀豔貴郎

沈吟杜老雲帆句愁說花開號米囊

次韻訓張仲遠觀察曜孫時觀察奉兩湖官制軍兩江曾

制軍會檄籌辦鹽釐由楚來滬二首

黃鶴樓頭玉笛催長風直破浪花堆曾從海客圖中見朝鮮使者李藕

船尚迪工詩道光乙巳入都觀察晏於某相恰與將軍天上來

國別業朝土會者十八人因繪海客琴尊圖劉宴江淮唐運使桓寬鹽鐵漢通才狗

李中丞率湘淮諸軍由烹苗格魚游釜盧州克復四眼狗陳玉高論籌南懷抱開

都會梯航境一隅地球通到極西區溥天未闢漢唐宋劃界儼

分魏蜀吳

夷場有英法美三租界

仙佛遲衰祆廟盛富強謀急霸才麤軍

儲浩攘厄先漏中外盈虛慎遠謨

贈鄒蓉閣貳尹

在衡

卽題其問桃花館詩集二首

錦瑟淒迷廿五弦朱馮諍友鄭毛箋

君箋李義山詩補林逋湖愚庵孟亭所未及

上家堪畫梅福吳中尉亦仙諸將圖麟灰末劫諺有末劫到一錢塘之語

官戎馬逼殘年玉溪詩意迴天地說着扁舟鬢已顛

一笑新詞柳岸風不如高唱大江東才人自古參戎幕詩史於

今紀戰功聞說退之薦裴相翻教甫也哭房公九華山下九原

淚遺壘蕭蕭落日紅

君爲吉忠勇公所賞隨營爲巡捕已登薦贖公殉九華山之難不果上

蓉閣以梁琬貞夫人手書心經遺蹟屬題用周弢甫徵君

莘廬遺詩

卷一

四

題冊韻

簪花詠絮妙蓮青慧證蒲團佛不靈手板寒生彈鋏歎心經淚

補瘞琴銘

瘞琴銘石刻後有心經一卷

鱸魚莼菜迢迢夢馬楊枝小星

君有細桃

莫說俸錢過十萬年來夫壻更飄零

送秦誼亭廣文入都

驀地飛鴉集泮邊遽遽胡蝶夢遙天

庚申四月賊陷吳江城一君計借北上留清江

官歸去來陶令三絕詩書畫鄭虔隔世重逢遭亂後移家猶及

中興年莫言他日思安定卽此臨歧已惘然

送礪生從弟應禮部試輪船北上

桃源烽火阻春明計吏車程換水程

庚申至桃源折還

兄長十年方臥

病百川從兄患弟差一歲早知名余壬辰橫流身世經滄海莫

大文章攬 帝京惆悵夔州寬又去每依北斗看雲生

長洲陶芭生然吳江費吉甫延慶選拔策考來滬枉顧寓

齋三首

羣玉山頭別庚申二月東風絳雪天三月雪電金陵大營潰音書一阻絕

生死兩茫然入夢了無據相逢徑欲顛寒暄都未暇喜極涕為

先

痛定始言痛因知別後情濡將孤子淚庚申十月遭寫作兩生

行舊雨紫藤館吉甫遷大港柳子屏家有紫藤極古寒潮白蜺營芭生居白蜺濱鄉兵結水營

於此秦坑燒不到珍重待時清

莘廬遺詩 卷一 五

麻鞵杜陵老書判陸宣公宣公登書判拔萃科天地心猶見文章運未窮

逕浮滄海北先唱大江東孫學使駐南通州兩君由輪船調學使後入都明發又言別

吳淞策策風

送芭生輪船入都二首

博望乘槎溯漢初即今新製勝飛車攬身海運搏鵬鳥放膽輪

困壓鱷魚鐵板銅琶蘇玉局陽冰陰火木元虛好從五色洋邊

過誰道江郎筆不如

琵琶一曲侑娉婷唱到驪駒不可聽家外移家忙燕燕余先居郭萬盛

後移與客中送客惜猩猩此行猶及未衰白他日相逢在汗青

惆悵生涯是雙鳥一飛一止各飄零

冬歸雜詩八首

灑盡思歸淚言歸淚更流百身曾莫贖七夕迴含愁生死三分

國乾坤一葉舟可憐權厝在臨去幾回頭先府君奉直公柩渴葬華亭縣亭林鎮鄉

先妣費太宜人柩在絲業公所殯房先室費孺人柩在奉賢莊行鎮鄉

西風翦泖渡晚泊荒江濱古刹猶題宋遺書已火秦僧癩寒抱

佛鬼餒夜呼人輸與老梅壽花開八百春泊大有塘孔宅亦燬慧日禪院僅一老僧

古梅含萼云是宋時物

搖夢過青浦微聞說戰場三周華不注一塔魯靈光橋斷猶封

雪林稀不着霜此間收復早前路正茫茫青浦兩次收復城外僅存一塔

近鄉心轉怯消息尙模糊去日家同載歸來客已孤鬢隨兵事

莘廬遺詩 卷一

六

老詩帶海潮麤直到門前敬崑崙一笑呼去滬留潘僕守宅鬚而黑人以崑崙奴呼

莫說無家別還家亦大難往來經虎口名姓累猪肝月黑驚潮

沸冬青哭墓寒南尹圩曾祖日如公塋樹為匪所伐依稀華表鶴風景忍重看

幸有先廬在他人入未曾到家翻似客枯坐學為僧魑魅晝行

市颺颺夜瞰鐙幼安猶皂帽聊復息行滕

鄰翁沽濁酒過我話依依為道別來事因知亂後非年荒收店

早市冷泊船稀談劇魂猶悸轟雷洞板扉余家油坊門炮子洞穿細珠纍纍嵌入云

翰匪互叔所致

亦知行樂處大有水嬉張梳裏春遊舫椎埋夜博場民窮情轉

佚天遠國為狂門掩蓬蒿冷蕭蕭短鬢霜

送王植三大令國寶之山西二首

一射如皋雉郎才入笑頓瀟于齊贅壻隨會晉羈臣孤雁海天

冷雙鳧汾水春章臺街走馬省識畫眉人君為買雲喬太守益謙壻就婚滬上挈眷

之官令弟菊生留滬

表裏必無害秦回豫捻間橫當大河曲嶄絕太行山國險地完

善民勤吏痾瘵為歌唐魏什蟋蟀永思艱

訪舊四首

三載不相見重來一訪之直將點鬼簿併入感懷詩落落存無

幾鬢各有髭此情如夢寐秉燭夜闌時

莘廬遺詩 卷一

草堂落秦火乃與寒梅俱胸有萬間厦手無一卷圖盜知名亦

忌鶴去夢先通今日又人日題詩客已孤子松梁叔古心先生皆有題夢通草堂圖

詩今惟古心在耳圖亦煨新正月初七日訪雪亭於東西岑

昔聞蘇李別胡漢渺相思不道吳淞水剛逢兵火時一揮如異

域重見各孤兒贏得頭顱在那堪禿與絲子屏奉松琴翁諱余連遭先嚴慈喪子屏

頭早禿余早白

飽吸分湖綠蘆中人在斯時無莊可語君乃妙於癡世亂荒村

靜家貧俠骨支伴狂今白也祇許少陵知葉友蓮

陸雪亭司馬日愛函招籌辦江震團練晚至頤浩寺與沈嶺梅吳鶴軒夜話二首

君是徐元直嗟予亦子房黃金徒手散滄海子身亡事去賫遺恨書來觸熱腸春秋讐未復薪膽味同嘗庚申三月先府君喪家倡葦塔團防至七月援絕餉絀走海上府君沒於奉賢縣之莊行鎮壬戌冬君母夫人舟被劫索鉅金君稱貸贖還

一徑入荒寺黃昏蝙蝠飛小樓猶有袞大義豈無衣家令近消瘦延陵久遯肥宵闌同苦語燐走一鐙微

哭陳子松先生六首

梁詩與南筆經義獨湛思吳郡三君子桐城一導師鵬飛家宴

龍一鶴唳大營移梁叔各自成忠孝寒廳議合祠先生與南一梁叔受學婁姚春

木氏道光丁未同客松江練立人太守廷璜署中有松桐梅各一株繪寒廳三樹圖姚詩所謂梁詩南筆松經義幕府三君未易才者也亂後南匯張嘯山文虎擬請重修寒廳爲三君子祠事未果而爲文以紀

辛廬遺詩

卷一

八

六月晝寒噤腥風血泊僵義亡田氏島亂及鄭公鄉親在敢言

死時危竟受創銀瓶從感化援禮俱無殤庚申六月初八陷黎里先是團練先生與

謀至是入先生家先生以身蔽母刃傷頭及虎口母得無恙一媳一女投水而死

瘡痍猶杖起迎致爲淹留分住邱成宅俄行范蠡舟相逢如隔

世此別詎千秋盼斷成連約師乎海上遊初九黎里賊退專舟載先生及眷口來余

家虎口傷重血溢局勇以金瘡敷治瘡口漸合七月杪余家走滬上先生遷陸家橋後還黎里函招來滬不果行

無名與中指替口付雙魚道是瘡重裂飢來病久虛鄧攸兒乍

返鮑叔母何如開札爲惆悵誰知絕筆書九月初先生書來以中指無名指夾筆而

書云有絕糧之厄憂憤臥病金瘡迸裂請詣以老母爲託時先生第二子孟侯被擄還越三日得雪亭書卽聞先生訃

六十四綜錯都歸既濟終數參蒼碧理貫豆花紅姚合心傳

契虞翻骨相窮莫教坑火燼遺臺壁經同姚氏晚年注易傳上

命先生足成之先生自著以虞翻六十四卦統歸既濟博采諸說以揚其旨為自來說易家所未及

酌宋斟唐派尤精漢學家黃金鋤帶草碧血葬梨花 詔許昭

忠祀情傷問字車若論投閣事我亦薄侯芭

輓陳梁叔舍人克家即題其蓬萊閣詩錄四首

節義東京重清風紀蔚宗如何生漢後無復識吳儂史學成三

世舍人祖稽亭工部鶴為明紀長編缺崇禎三年舍人足成之梓行於世詩傳得四農學詩於潘德輿世所

稱四農先生也蓬萊渺塵境夔絕最高峰

子出母不樂子歸母慮飢可憐將母諭猶賦從軍詩祿養何曾

逮江神莫解疑斯言絕沉痛惜取吉光遺咸豐丁巳客句容軍幕母年七十不能歸

莘廬遺詩 卷一 九

祝寄南一五古有云子歸母慮飢子出母不歡南一子松古心皆有和作又絕句云江神驚怪山靈笑猶有橫江獨渡人大營

潰時近稟隨殉矣

勤入呻吟細方知入道艱大江明月夜古洞白雲山一夢畫留

券兩家文訂頑遺圖落桑海中有淚痕斑軍中讀呻吟語函質平湖顧訪溪徵君徵

君復書云陸清獻曾梓是書坳質疑十七條今拈示諸條率與暗合甲辰秋自江甯歸渡江夢至一山石柱有字曰精實山屬

嘉定程序伯廷鷺作圖南一子松兩先生各為記

厝火積薪下憂危猶盛明當時疑過慮到此哭先生小雅無正

意東風變徵聲元微之逝者早定杜詩評南一序作於丁巳歿於丙午

松陵

橫截勢南北松陵阨重兵六月十四日收復吳江長官新奉檄劇盜漸歸

營餉緇徵租課關多易卡名微聞規進取已薄闔廬城

長至日官軍收復蘇州四首

天地心來復人心久厭兵潛消四載阨直應一陽生薄海開元
運中吳克大城俟蘇齊望歲雷動聽歡聲
賊騎從江至長驅勢蜿蜒官軍淨海渡直下搗中堅西浙風橫
截南都月暈圓常山殊首尾一擊此爭先
自古繁華地能令霸氣消亭臺麋鹿走羅綺虎狼驕膽落先聲
奪心攜內變搖受降如受敵喋血首重梟
先帝元戎命元戎擇將才旌旗程不識號令李臨淮全局上游
據三吳大府開看擒蔡元濟師會晉公來

莘廬遺詩

卷一

十

甲子二首

次陶芭生見贈韻二首

附原作

狂名驚破里兒纖酒膽粗毫詩律嚴折一角巾知有道畫雙眉
樣笑無鹽君律賦知名京師風搖鐙穗寒生幕月轉花梢影上檐直到
夜深童僕睡自看火候瀾桑尖

江湖滿地噪羣鴉留取餘生廣柳車滄海遠通天上水長安飽
看日邊花歸來松菊仍三徑亂後詩文自一家擬逐雲龍相上
下拈將險韻和劉義

二月初三日過磬生夜話用東坡北臺詩韻

陶然

月上初三爪樣纖春寒如水撲人嚴譙樓漸促冬冬鼓樂府

猶歌昔昔鹽誦近作洋涇竹枝詞浣我客塵傾雪碗以雪水煎茶輸君官韻

押風檐苦吟惹得梅花笑高聳肩棱擁鼻尖

倦飛蹤蹟樹歸鴉為訪元亭來駐車余自京師還眉影綠描鸞脰

水是日觀鸞湖修禊圖君續聘鸞湖黃氏淚痕紅濺馬塍花時為其先人營葬流離不

定經三載休戚相關當一家記取松風高士節剪鐙展掛玉

了义以徐侯齋畫松真蹟為贈

乙亥四首

送邑侯金茗人福曾四首

第四橋頭水源流自浙行儵然孤客況飲此一杯清煩劇新條

例荒寒故壘城側聞鄭子產寬猛劑和平署中不挈眷

莘廬遺詩 卷一 十一

沈徵君不作分志百餘年文獻都零落滄桑更變遷昭忠崇祀

錄減賦紀恩篇第一下車事商量體例編修吳江續志

煙水分湖僻行春入畫圖拜鵝弔柴市下馬式江都碑斷血猶

涇齋荒道不孤清風俱百世墜典此重扶重建揚節愍公祠修陸朗甫中丞墓並設

切問書院皆捐廉俸為倡

斯才合行取舉薦達封章華野我前令平湖君故鄉論卑誰破

例官去尚成梁無限攀留意吳江渺渺長假任後捐五百金為建三里橋之用

丙子四首

送邑侯金螺青吳瀾四首

先後金侯至如何未即真瓜期七月代花縣一家春參治因蕭

舊遷書補褚新始終敘緣起元寔屬斯人續志告竣作序冠首

斗大江城裏兵餘荒似村十年漸生聚期月亦紛繁嬰試黃州

會耆書絳縣門孤寒燈火味鶴俸煦春温華塔給示開辦保嬰局觀溪村壽民吳松

下年九十四歲夫婦齊眉五世同堂手書大椿五葉旌其閭切問書院捐廉生息為膏火資

上戊星言駕楊祠正落成憫忠唐六典習禮魯諸主碑署令新

舊詩弦神送迎須知風教意莫但頌循聲二月初三日奉節懸公位入祠親至釋奠

讀祝用郭頻伽先生撰迎神送神祠重建碑記若翁撰螺翁書勒石陷祠壁

花落訟庭寂公餘畫掩扉閭情及書畫所詣得精微相馬墨梅

瘦景龍鐘楮肥清風留便面別去尚依依

己卯四首

莘廬遺詩

卷一

七

題楊利叔孝廉象濟汲庵遺詩二首

時局艱危意氣雄沂江浮海數從戎能籌鹽鐵三軍飽不救菰

蘆一士窮晚境楊枝頽白傳早年校筆壓黃童可憐詩外猶餘

事回首邯鄲落日紅

滲淡蘆江黑霧漫歸來繭足血餘癥中丞一慟援師阻僕射重

逢禮數寬生不封侯嗟李廣死無輜採帛方干蘇門同輩都零

落淮海情深為校刊江忠愍公廬州被圍君與公弟忠濬自楚

亦漣君挾馬尾馳賊窟中竟日行三百里得免既歸里相見於蘆雨庵為余言之復謁曾文正公於祁門鹽釐助餉章程君所

也上

書汲庵文集後二首

陳亮上書後劉蕡下第秋隆中人漸老海外臥能遊一自重繙

繹新開六大洲方言非實事勝采子雲韜丁中丞撫吳招入洋務局繹六大洲輿圖

門衰遭世亂零落聞溪支敢爲小宗計先籌遠族資義援彭進

士天與趙孤兒後有採風者道南宜耐祠君有子諸生娶海甯蔣能詩皆前卒授彭

尺木紹升小宗不立後之議田三百畝身後贍族稟縣立案晚

年屢納姬皆逸去易簪時呼其老僕曰某姬去時有身物色之

男也我後也越數年君所善華筵秋司馬過義塾一童酷似利

叔借至其家則老僕在焉伏地請罪蓋姬爲其媼矣稟金匱移

秀水還其子於楊餘不究

甲申 十三首

詠史四首

周家忠厚撫華夷徂莒猶歌赫怒詩西北 詔宣趙克國東南

莘廬遺詩 卷一 三

議寢賈捐之累朝陸賈頒封冊九頓申胥乞援師中外一時聞

露布富良江上盼旌旗

中原屏翰日南天圖入珊瑚職貢篇粵嶺舊開都護府滇池新

習漢樓船唐蒙持節恩威諭莊躡屯兵犄角聯撫馭卽今歸大

局須知籌海在安邊

銅柱低埋鐵艦峩重洋浩渺說歐羅但憑四十連城守奚止三

千弱水過驅鱷不教歸黑海溝鴻猶與議紅河征人萬里申方

戍揚水微聞束楚歌

宿將登壇 詔遠攻威弧南指颯西風寒梅瘴淨連營白大樹

霜高落日紅卻喜狄青俄奪隘方知魏絳善和戎捷書飛電爭

春發賀歲聲中頌戰功

諸將五首

詔起騎驢赴五羊老臣投袂趣行裝山中宰相陶宏景海上元戎威繼光蜃市矍矍雲晝黑虎門刁斗月昏黃樓蘭未斬輪臺罷諫草流傳氣激昂

西陲蒼定北庭收萬里歸來兩鬢秋入覲起居文潞國出師前後武鄉侯此身直繫安危局遺表猶爲久遠謀朔雪炎風舊行部紀功隨處淚痕流

赤嵌城高暗暮雲蛟涎蜃氣若爲薰雷燒海熱潮千沸月暈臺圓蝕一分羽檄望洋九節度樓船失道五將軍重圍直待東風萃廬遺詩

卷一

古

解辛苦吹笳夜夜聞

萬陋俄驚壁壘新奇兵據險扼通津相從徐市三千輩直過田橫五百人樂毅居燕爲客將李陵報漢亦王臣伏波未到軍先捷圖取英姿達紫宸

使星節鉞鎮巖疆倉卒偏臨大敵強北闕有書陳賈傅東風無便與周郎扼江魚服圖天險橫海蟲沙弔國殤聞道渠魁方誅殛此功未列薦賢章

題沈君詠樓

祿康

採藥圖四首

長沙古醫聖著書爲憤時我鄉涸溪翁經術人中師牽率作方士奉詔屢奔馳咄哉儒冠誤下策攻軒岐君亦復爲此此意誰

相知十載相如渴一門臣朔飢繪圖作標識寓意同希夷君平
非卜者韓康亦非醫

五百童男女一舸去徐福豈知古扶桑咫尺通輪軸石梁鞭不
飛淚雨銅仙沐何況亡是公飽噉胡麻熟偃蹇山人採採不
盈掬性味有專功一卷神農錄

淵明創輓生處士爭求死此語駭俗聞馬腫見駝指君書索我
詩援例自古起我意比東坡惡耗訛儋耳心死自然活解脫有
至理竈冷爨煙虛辟穀餌菊杞君病中書來索題有援生輓之語又自言近頗達觀惟心未肯耳死

青蓮帝外臣子厚古遷客幽雋與豪宕各標一勝格君在師友

莘廬遺詩

卷一

五

間相契略形迹兩地書問訊深情同脈脈人生有三寶天地氣
闔闔調息貴自然久與大道道大藥無殘苓還丹無金石鄭重
兩君意醞釀皆仙液浮邱及洪崖袖挹肩同拍我借爲贈言附

驥愧三益

辛垞子屏兩君貽書論調息甚詳

莘廬遺詩卷一終

莘廬遺詩卷二

吳江凌 泗 磬生

丁亥

十三首案是年公既喪兩才子與黃宜人同僑寓鸞湖壻鄉卜妾湖州移居詩蓋是秋作

移居八首

西風吹冷柳髮鬢有婆娑生意含事到無聊心不死樹猶如此我何堪齒衰敢擬徐城北臂痛先愁虞世南右臂患風作痛莫向恆河觀面縹塵緣未了一瞿曇

慘綠光陰唱竹枝旗亭貰酒賭新詩如何桃葉桃根渡直到秋風秋雨時垂暮尙拌孤注博尋春奚止十年遲此情那復成追憶一榻茶烟兩鬢絲

莘廬遺詩

卷二

一

頗塘西去接苕流折葦枯蘆兩岸秋已遺楊枝歸茂苑先是遺妾吳門又教箋記過湖州水村圖泛漚波舫樊謝詞填月上樓看舊吳興零落盡湯題石柱續清遊

艣聲搖夢墮微茫越角吳根為底忙駱馬強從衰後換鱸魚偏在客中嘗醉看紅葉非春豔冷愛黃花到晚香一棹匆匆說歸去如何歸去又他鄉

愁水愁風不可聽倦遊踪蹟白雲停黃家居近松陵驛宋黃由詩纔到

松陵便是家莘老來從墨妙亭余自號莘廬垂柳兩家分蔭綠遙山一角

入樓青此間小住為佳耳東野何須問大靈

我本烟波舊釣徒故鄉只隔一分湖西來合唱魚歌子東道相

逢諫大夫漢建平中錢林爲諫大夫歸隱平望鄉寒蜨著風飄敗葉亂鴉如雨落

平蕪元真仙蹟知何處買得樵青婢亦粗元真釣磯望仙亭遺蹟久湮

扶病移家屣勉從堦鄉回首夢惺忪燕知戊己巢猶避鶴唳庚

申劫又逢范蠡舟中驚夜泊借婦渡太湖宿陳渡夜大風梁鴻靡下聽朝春

硤屋隣確坊書眉忍說題橋字畫眉平望橋名淚兩愁烟感遠峯

風帆如織水如烟近市難逢勝地偏金石荒涼搜燼劫潘稼堂太史贈

志遠和尚詩帖海鹽張受之勒石平波臺今僅存拓本湖山平遠送殘年藝英書院舊有湖山平遠閣

論文無復鶯堪問翁海村徵君有問鶯居詩文遺集讀書應須鶴未眠眠鶴庵主吳梅

隱近亦多病擬拓平波臺一笏團蕉小築社開蓮

平波臺觀湯貞愍公貽汾琴隱小影石刻用貞愍壬辰秋

華廬遺詩 卷二 二

宿平波臺韻三首

一卷懷忠錄長留天壤問當年詩酒會此地水雲環海淺仙猶

劫臺荒佛亦閒葫蘆真本在珍重蜨飛還味雋齋詞有公奉檄改裝入山緝盜作道

土服山中得仙蜨歸賦長調一闕王硯農摹泐琴隱小影巾服宛然庚申石燬楊利叔以拓本重摹

鬢鬢西臺弔招魂煙水間一揮如意竹重唱大刀環朱鳥恍呼

下白鷗相對閒拏音聽不得惆悵刺船還

回憶壬辰歲愴懷身世問將軍題玉管皇考錫金環泗壬辰秋生倏

忽年垂老登臨客不閒試啼逾七秩可乞大丹還公有七十四歲生子並贈

詩 韋姬

沈蒙叔廣文景修書來平生辦香歐陽文忠公且與命名

關合因自號歐齋譚仲修大令廷獻爲作歐齋記余至
湖州訪墨鈔亭孫莘老遺蹟遂號莘廬亦移居後不亡
首邱之義猶文忠實吉州永豐人而著廬陵者從其朔
也歐齋有詩見懷作此答之

相見猶疑在夢中廿年前別太匆匆可憐白髮三千丈來對蒼
顏六一翁文繼昌黎開北宋詩尋墨鈔冷西風兩家署款爭驚
詫烏有先生亡是公

原

沈景修蒙叔

與馨生別二十餘載近從費養莊齋中一見悲喜交集別
後以近作移居八首寄示中年哀樂情見乎詞率成一

莘廬遺詩

卷二

三

律答之

廿年舊雨半參商驀地相逢各老蒼東柳移琴茶竈共西風
側帽髻絲荒溪樓延月追樊榭厲徵君納姬人月上於蒼溪
寓樓費山人丹旭寫溪樓延
月圖奚山人疑作丹室安爐叩長房養莊讀參
記今藏錢唐汪氏同契有得往事旗亭尋

夢影喜君詩興尚能狂

前詩意猶未盡復成一律

賭唱旗亭點絳脣墜懼如雨夢如塵近詩略帶幽并氣多病相
逢秦越人謂養薄宦歸田殊太冷歐公有歸田錄
君曾署甯波學殘年打漿不
成春余兩羨君集古琳瑯富業也能傳筆法真謂采

戊子七十五首

江曲書莊後圖歌

莊在白蜆江曲沈參軍翠嶺翁築營校刊 昭代叢書

吳枚庵翠鳳輯 國朝文徵朱蘭坡宮詹輯 國朝古

文彙鈔王光祿鳴盛著蛾術編長子六琴繪江曲書莊

圖今六琴孫詠韶復繪後圖徵題余與君家三世交而

亡兒寶樹寶樞曾讀書於其莊俯仰盛衰感念存沒長

言永歎情見乎詞

館開四庫編七錄藏書首數天一閣物力承平運右文百年踵

起蜆江曲東江故道三江分顧夷吳地始記文張證遷史蔡禹

貢世居乃有髯參軍溪流如雪審面勢堂構相承開甲第貼石

莘廬遺詩

卷二

四

疏池曲繞廊顧玉山佳倪清閼香廚萬卷弄承休四海同文著

作搜茂先博物來福地張山子雲奇字采軒輶楊慧樓文章 昭

代尤稱盛季子觀風選樓鏡吳枚庵實事求是朱子奢朱蘭坡粹

呂鑑相輝映禮堂寫定萬胥鈔高腫駝背龐牛腰子晉不作斧

辰死欲與汲古爭岩堯丹黃警校落葉掃西園賓館南金寶進

士無慚臨頓青霞孫孝廉私淑桐城老南集編甲乙識癸辛麻沙

次第付手民五經異義駁許鄭三國附注援裴陳家風濡染師

友益三鳳清聲數眉白法物能評南仲摹楊聾石妙繪肯留王宰

蹟王椒畦畫圖過眼如雲烟世事滄桑人事遷伯仲偕亡翁又

逝俄驚烽火來南天羣盜如毛鄉練起椎牛饗士家貲毀君家

季子丈人行相約同仇復同徙海上僑居亦結鄰翻因亂定各
聲吞兩家同注孤兒血剪紙爲招歸去魂華表魂歸令威葬幼
安白帽猶無恙亂後重逢夢裏看烟波十里互相訪廿年兒女
森成行衛八堂前羅酒漿卻笑杜陵迂癖在宗文宗武誇兒強
君有大兒孔文舉博士弟子同歲補玉謝本屬舅甥家陳雷又
訂昆季譜綠陰如畫舊書莊花木平泉未盡荒折柬相邀同結
夏爲逢大比課槐黃西風毳毼過秋九商略千秋探二酉吳郡
志湖石湖先太康佚補葦山後桑經鄺注攷清淇衛水河今入
帝畿沿革歷朝至天水叢殘手稿篋中遺哀歌哭弟漫天雪
長吉心肝嘔盡血寢門一月兩度臨慰我慙遺言哽咽竭來眎
華廬遺詩 卷二 五

我舊題圖灰劫紅羊紙不渝畫手僅存貞白叟

松石題詞已殉仲

弓儒子前圖什襲後圖繪乞寫丹青到海外所惜遺編鱗爪存

叢書斷手精續曾爾雅溫文有祖風盛衰回首感無窮濡將一

掬西河淚題付傳經鄭小同

後悼亡 二十首 案公辛酉悼亡詩稿中徧覓不得蓋亦散失矣

咸豐辛酉避兵海上會遭訟繫婦亡未面孤露啣恤藜
菽廢詩事後追悼得八絕句今老而復覲觀縷哀情歌
以當哭仿唐人出塞之意曰後悼亡

少經兵亂晚承平劫外誰知劫又生運值中興家再造途窮垂
老淚頻傾人間無此參商慘地下相逢骨肉情二十四年前事

在猶聞嬌女喚耶聲費宜人遺一女六歲

中饋何人佐理勤
寒修傳語恰相聞
悼亡奉母艱
潘岳遭亂攜
嬌話左芬有姪偕
從姑度日而翁偏
愛堦微雲可憐玉
鏡臺初

下淒絕泉魚泣夜分婦翁通奉公亦在媪子眉時以部曹挈婦留京其兩女皆依姑以居滬警遷婁河口復攜以渡海我母聞而賢之婦翁亦以余爲可妻也聘甫定而先太宜人於壬戌秋棄養

滄海歸來徑草添
掃除紙閣下蘆簾
入門事每先姑訪
織素情無故婦嫌
愛樸衣裁雲淡淡
工愁眉鎖月纖纖
當時便覺多秋

意慧業須防福不兼壬戌先太宜人棄養甲子冬旋里宜人來歸

復業田廬未盡荒
卿持門戶我疏狂
米鹽瑣屑愁黃霸
燈火縫衽說孟光
先意暖寒工體貼
屢經產育累身傷
椒聊多子年年

莘廬遺詩

卷二

六

采猶聽華封祝未央乙丑至癸酉得六子

湯敦夫堦覓封侯
慰我西風博浪秋
祝取平安與偕老
折除科第付貽謀癸酉後不應舉已看成國傳
青史祗恐相如早
白頭記熟生

朝香一瓣菊天朝
斗顛添籌生朝閏九月廿二日交十月節

含沙影射及池魚
一去蕭郎海上居
歸訊潮來空復爾
訛言風起渺愁予
回文宛寄張睽戍
珍藥親封徐淑書
畢竟生離輸死

別重泉何處達雙魚余訟累鞫滬函訊起居手製膏劑封寄

黃金沙散不成團
留得承休萬卷看
能讀父書知味好
卻因母課共銜寒
香分芹藻同時采
姻結朱陳取次完
只道向平粗願

了未遊五嶽已邯鄲滬事解歸兩兒已同爲縣學生是年爲寶樹娶陸明年爲寶樞娶陶

六張五角亦前緣磨蝸身宮值歲躔京兆女望曾有祭參軍新
婦又無年風摧庭樹枝先脆雨打池荷葉不圓枉說多男祇二

惠背燈擁髻總淒然

費宜人遺女十八歲卒陶娘
產難亡三兒寶權十二歲殤

童烏銳入太元沈竟使風濤未疾侵近訪長房知六氣遠宗思

邈著千金斷無奪命關醫力安有忘憂託草心況是士衡纓病

起又從枕上聽呻吟

軀兒爲輿地之學攫痲疾吳興費
養莊寓盛澤善用千金方卒不起

青鳥師傳異說訛世無詹尹問如何風輪大地百年轉雪陣漫

天一權過臘尾春頭連慟哭吳根越角枉奔波卜居未就家先

破款乃聲中續九歌

軀兒歿術者謂宅丁大凶婦挈樹兒避平
望外家中途大風雪樹兒作長歌數百言

既抵平血病大發歸家越日
而卒與軀兒相距一月耳

莘廬遺詩

卷二

七

葑水回帆茗水經五湖同泛范家船訪來桃樹蹊都白揀盡楊

枝眼未青霜落又過重九節風搖不定兩三星牧之休恨尋春

晚翻遺微之淚欲零

丁亥春爲余相妾吳門秋又同至
吳興大風渡太湖旣而先後遣去

歲除歸里鎮相從豉自憐夔歷負叩強作笑顏聊慰藉詫聞語

識忽慳恫達生我已師莊子祈死卿何效祝宗道是臨時太多

促附身一篋手親封

氣虛多產腹成痕抑鬱年來疾暗加漸覺膨脝如瓠石劇憐清

瘦過梅花事煩卻厭雙弓米吻燥常思七椀茶迴憶曉妝雲委

地而今欲綰不成了

酷暑深宵汗正揮無端擁被又呼衣九虛自是膏肓中一室非

關氣候違明月寥空妖鳥喚暗風吹墮亂螢飛買生賦鵬憂偏

甚集舍原知伏禍機

六月十二夜起病盛暑寒栗是夜聞鬼車聲余心惡其不祥

延醫雜治問師巫藥石無靈况鬼誣憂火煎來金可鑠淚波滴

盡海為枯夜臺額欲尋思子匪石心甘化望夫總為墓砧拋不

得下山猶自悵蘿蕪

平時扶病耐艱辛直到彌留語有因容易一聲河滿子斷難再

塑管夫人愛名囑我親為誌顧影憐伊預寫真最是不堪傾聽

處氣絲裁屬又重申

病亟自歎曰我無兒誰為行述余溘應之曰我可為之三月間預延蔡月槎畫壽照

陸莊迨遽尺書馳消息傳來李習之

李幸垞來診知不可治余方寸已亂幸垞代函致平

望卅里阿兄趨視急七旬老母喚聲悲外姑謝太夫人年逾七旬聞信來視掌中

莘廬遺詩

卷二

八

珠已連年化

姊妹七人皆前卒

陌上花纔一月離平望歸才一月羯末封胡都

雪涕闔房墮淚此新碑

影堂蕭颯慘陰風前事休提後顧空窈窕受書付昭法立孫援

禮問檀弓門衰祚薄勢孤注地老天荒民四窮吟盡七哀哀未

盡不須持較杜陵翁

寡媳陸氏撫姪孫昌熿為敏兒後

鰥魚炯炯月昏昏頭白聯床兩弟昆小婦新來縑未織大家遺

誠範猶存枕留淚漬知心苦衣檢寒裝認手痕賴有姊娣情最

切輪珠回向為招魂

婦亡在殯余與廉叔弟聯床弟緇十餘年矣大姊適徐長齋繡佛

權厝棺和姓氏題先塋東畔陸橋西亡兒入侍魂差近權厝陸家橋丙

舍兩兒老嫗知恩泣欲嘶曠丁陸嫗哭失聲內史墓田松鬱鬱司空生

曠草萋萋余生曠在瓣香敢附桐城派誌例猶堪惜抱稽

八關功德眾音諧放唄魚山過午牌不信成仙與成佛漫教營

奠復營齋香生海國魂難返玉種藍田骨已埋欲向蒲團證因

果再來飛燕孰投懷禮懺

少翁遺術至今稱微叩虛空若有膺絮絮欲聞千萬語姍姍只

隔兩三層晶簪談自瀛洲客經卷枯於退院僧碧落黃泉都杳

渺情長夢短夜曹騰問斗

靈筵三七漆鐙搖瓜果年年怨寂寥天上牽牛自終古夢中胡

蜨又今宵女堪稱士班無命巧不能癡柳反招此後西風漸淒

緊哀蟬如雨葉如潮前婦亡於七月初三日今三七適在七夕

萃廬遺詩 卷二 九

親朋休戚誼相關祭酒生芻亦等閒詩集那堪標腳氣先府君

館樞兒水腫及文名何苦擬眉山先是有以老全家簿錄幽通泉譽余者

賦一老愁遺在下鰥敬謝故人承枉唁權詞慰我淚猶潛十月

日領

曾是棲鸞拓綺窗重來空谷足音登如何廡下五噫歎併八樓

頭一窺腔楊柳新愁翻樂府芙蓉舊夢落寒江生憎平望亭前

水猶見鴛鴦照影雙重至平望寓樓芙蓉為大風所折去年芙蓉盛開婦徘徊花下感歎亡兒不置時子

眉喪

風鬢霧鬢現優曇小別重逢此略談為問可知阿嬾處似言同

住樂天龕趾離偶爾一相導中散依然七不堪雞唱乍聞鐙未

殺零星記取語誦誦紀十二月朔一夜夢中事

問天莫對首重搔我命如何累爾曹只道回甘幾辛苦豈知先
笑後號咷修成才子宜遭譴詩帶秋聲悔讀騷憤向五更人不
寐曉窗殘月吼蒲牢

人生聚散水中泡破涕居然作解嘲妻自有梅子有鶴翁堪稱
漫叟稱聲血原不滅鵲啼帳卯豈能完燕覆巢會得華嚴參法
喜玉溪錦瑟柱猶膠

臣精衰耗醉翁頽火冷薪灰念未灰絲竹無情陶北里文章有
議續東萊孤鐙黯淡張三影百事艱難元九哀惆悵遺言猶在
耳寒梅耐等海棠開遺囑續膠時有作蹇修者

莘廬遺詩

卷二

十

欲知太素蘭機緘脉理由來闕玉函縱使續膠諧律呂誰從本
性識酸鹹情無可懺銅仙泣事到難言石闕銜爲告當今傅青
圭亭林搔首雪髟髟傅徵君山善醫精太素脈診亭林先生可
得子時年五十九矣韜廬函來訊及續聘

此今之
青主也

少時聞黃門詩以爲有浮藻而無眞性非倫常中不可少之
作後見義門所論意正相同今讀諸作序事翔實言情蒼涼
一唱三歎令人往復不竭卽論詩格悽惋處似義山鬱怒處
似樊川亦是古人最勝之境工才如此甯爲損福之券耶爲
之撫然戊子季冬弟蕃讀并跋

運典熨貼言哀已歎合義山微之爲一手自來詩家悼儷所
作未有如是之夥者淮陰將兵多多益善此才可斗石計
如小弟景修識

工於儷典深於言情上配義山下揖初白弟齡壽拜讀

反遊仙三十二首

繾綣胡麻窈窕春不知何事戀紅塵若教劉阮頭先白多愁桃花笑煞人

休將年紀問裴航老嫗多情許乞漿染就烏鬚痕易褪雲英何苦搗元霜

寫將唐韻饋貧糧艷購簪花墨蹟香夫婿果然同辟穀不知買字爲誰忙

鴻寶淮南手錄成枕中祕冊獄中呈上方典鑄偏無驗險殺通經劉更生

中外於今算一家十洲三島盡通槎奇花異果重重至不見安期棗似瓜

莘廬遺詩

卷二

七

眉山道士論金丹早識神清骨亦寒清固可仙寒足死惠州銘

墓淚闌干眉山陸道士維忠作詩論內外丹自以爲決不死東坡日子神清而骨寒其清可以仙其寒亦足以死後

復見於惠州曰吾眞坐寒而死矣坡爲銘其墓

烏盡弓藏大可憐留侯踪跡渺雲烟赤松去後赤眉起龍首原

頭好墓田仙傳拾遺張良葬龍首原赤眉之亂人發其墓

武陵源裏事春耕鋤得秦時冢亦平說與世間行墓祭漁郎到

日正清明墓祭始於魏文帝

紫府珍藏秘笈開侍書天上竟無才借他阿嬭心頭血白玉樓

成作記來

鞭石無靈蜃氣昏樓船徐市未招魂可憐五百童男女斷送人

問好子孫

噉過蟠桃鬢亦斑
歲星遊戲落塵寰
梁青遣去細君逝
悵東方割肉還

大羅天亦有罡風吹
落琪花四季中有約
踏青仙姊妹縛將鸞

帚掃殘紅

玉真勅號重金枝
六甲靈飛三景師
張果當年如奉詔
倒騎驢

唱悼亡詩

玉真公主唐睿宗第十女明皇欲以降張果果不奉詔薨於天寶十八載

嬌小麻姑漸老蒼
兒時狡獪半遺忘
眼看下界桑田涸
不擲珍珠補太倉

盈盈一水兩情鍾
女織男耕債未鬆
索把聘錢乾沒了
拚教七

華廬遺詩

卷二

七

夕不相逢

前後悼亡皆在七夕前

馭氣蓬萊見太真
偶傳密語悟前因
上皇要問真消息
敕倣歐洲製火輪

自偷靈藥杳難尋
誰識姮娥悔亦深
卻被玉溪生道破
青天碧海夜來心

縮取壺中歲月長

睡時熱鬧醒時涼
盧生自是有仙骨
多事邯鄲夢一場

崑絕崆峒插九霄

訪來黃帝肇仙苗
薦紳欲道攀髯事
可惜刪書獨載堯

戲捲河源瀉羽觴

下流清淺海塵揚
邯鄲道上終南客
怪道黃

梁夢太長

鄭工開例

鼓瑟聲中月子彎，湘靈不見見君山。海夸一百十年壽，千古傷心萬竹斑。

金掌高擎玉露盤，秋風當信茂陵寒。爲求不死先知死，特遣文成食馬肝。

功成借箸託飛昇，八世孫偏說道陵。果是家風傳辟穀，何來五斗米師稱。

瑤池八駿去如飛，祇恐重來暮景非。除卻盛姬曾侍宴，更無臣護梓宮歸。

簫聲吹上鳳凰風，弄玉樓頭蹟已空。翁自求仙婿自去，頗疑翁莘廬遺詩

卷二

三

婿不相中

欲訪羊權何處家，天桃穠李總鉛華。吳孃爭說西施豔，寂寞閨門萼綠花。

緜嶺吹笙去渺茫，北朝碑記太荒唐。昇仙縱有謫仙事，肯作蓮花第六郎。

昇仙太子碑武后製并書王元美謂以蓮花六郎稱其後身得不穢千古青簡耶

魏封將地漢師尊，幾見仙家長子孫。莫怪元元稱帝祖，重編史傳冠龍門。

空山一局幾春秋，柯爛腰間局未休。我道至公惟白髮，不曾饒着壽星頭。

何人錯認感甄癡，目色微波禮自持。解道洛神深寄託，考亭失

村楚騷詞

城主芙蓉似宦場爲丁爲石更爲王誰知六百餘年後又換雲
都十七郎

瘦骨珊珊鶴背秋堯寶縹緲賦仙遊無端笑煞李員外壓倒人

間壯水牛北夢瑣言唐進士曹唐遊仙詩才情縹緲岳陽李遠員外吟其詩而思其人一日曹往謁之李倒屣而迎曹肥偉李曰昔未覩標儀將謂可乘鸞鶴此際拜見恐壯水牛亦不勝其載曹唐字堯賓

蔣犀林大令 六十初度卽用大令述懷原韻 四首

一盃清味飲先知來往吳淞首尾時聞說海疆民尙戀曾看江

縣母猶慈君先署川沙廳及南滙縣皆有惠政廿年籌筆經行地十月躋堂介壽

詩壽誕十月 剛是小春春有腳嶺梅花發酒盈卮

莘廬遺詩 卷二 古

具區西注泖趨東斗大荒垣枕卧虹不信陽城居下下須知吳

賦減中中能求民瘼科偏拙但使官清歲卽豐造福和平宜壽

考岡陵付與口碑同秋後蟲傷不及報勘請免海塘工費

臨淮幕府託苔岑橫海東征感遇深自古蕭曹關大計至今召

杜耗雄心侯封夢落懸金印吏治風清卧綠沈合仿坡公生日

會鶴南飛譜笛中音李節相渡海來滬委辦吳江田捐濟餉

仙鳧飛下駐鱸鄉記別分湖渺渺長自分閒雲懷刺滅翻憐舊

雨寄書忙敢從海鶴求真蹟惜未靈蘭乞禁方島瘦郊寒多苦

語韓門慚愧補稱觴君善米書精醫兩亡兒孺奇疾惜當日知之未盡也

附大令六十述懷原詩

六十臨頭老不知光陰歷歷記兒時服膺猶憶趨庭訓撫鞠
難忘大母慈長逐風塵慚食德幼傷孤露欲刪詩陳情令伯
心猶歎敢望公堂酒一卮

投筆從征跨海東倚天長劍氣如虹文章九死孫山外雷雨
三迷大澤中避地抑騷同北郭進身知遇始南豐邵平別有
吹枯意一轉清波便不同

跨海東來出故岑薦雄書上感恩深棄襦未遂封侯志據鐙
常懷御李心百里沙疆權管領卅年宦海幾浮沈手生重把
瑤琴理一曲冰絃指外音

海鄉源遠接江鄉同派吳淞一水長歲樂那知民力苦官閒
荃廬遺詩 卷二 五

翻爲客求忙剛添四代曾孫慶擬注千金壽世方三徑聊閑
家譙集嶺梅香裏酒盈觴

題陸君實甫雙松圖

此非秦岱之巔秦皇封爲五大夫亦非天台赤城石橋南畔第
三株乃是黃山三十有二峰雨淋日炙不受寸土鬆蟠根屈曲
極拗怒裂石掉臂伸乖龍山靈力攫不使逕飛去久乃漸馴龍
性移盆中虛堂謾開屏幃晴空雲濕寒濤漲元氣淋漓墨未
乾盆中紙上屹相向畫工如山誰辦此三層閣上華陽史十指
拂拂都作松風鳴脫手贈與天隨老孫子天隨昔贊怪松詞擁
勇遏鬱形支離一千年來幾桑海後凋乃遇清平詞張璪生枯

雙管下劉剛夫婦雙修持是松是人壽者相秋毫商略添之而
君繪小象於是年補髯君不見畢宏畫偃畫松手題畫絕唱除是杜陵叟
盤空硬語愧我筆力孱竊附天保九如之義用祝齊眉壽

冬日過分湖

越角吳根到此分西風帆影落斜曛荒江漁唱離騷意禿樹鴉
棲古篆文爲憶水村猶髣髴欲尋遺蹟渺烟雲王孫不作隱居
遊第六何堪賸印紋

案敏之有第
六水村居印

寒夜

炯炯無寐鏡昏漏轉深但求存夜氣只合抱冬心萬事都來
枕餘生莫愧衾須知胡蝶幻不向夢中尋

莘廬遺詩

卷二

六

五十七年事匆匆一夢醒悲歡多墜兩骨肉太零星歲值陽生
丑人期老復丁黃門箋急就長樂祝延齡

送竈詞

青燈爲竹輪紅紙翦車輪同送朝天去我非媚竈人
四窮無可告蠶蝨小臣情此去琅琅訴膠牙底用錫
更乞通明奏天心或見憐我窮猶飽飯多少突無烟
莫嫌村釀薄飲饑玉顏醜題取醉司命神弦續九歌

莘廬遺詩卷三

己丑九十五首

吳江凌 泗磬生著

己丑元旦

雲開五色旦月冠一王春平地 酬嘉績溥天慶 大婚推
恩兼譯使臚忭到鰥民莫謂窮無告同瞻 覆載仁

接電詞四首

一闋神弦奏送神復迎神送神籃輿穩迎神竹馬新
連珠聲不斷紙炮雪花風臘尾賀三白春頭爆一紅
竈上弗污穢神鑿兮潔清竈下無勃谿神聽兮和平
求福黃羊祀難逃陟降靈餘年長健飯不敢望添丁

莘廬遺詩

卷三

四日立春卽事次東坡大雪用號令韻

諫果頗溜吻回味甘受和一噉無餘味苦李與酢奈新春偕客
來足音忽飄墮我生如雪花苦爲大風簸我方三歎息客迺一
笑嗟不見力食者夏畦與馬磨不見闔閭中辛苦權百貨不見
宦奔波一跌勢卽挫爾何修到此衣食享安坐性懶習又窳日
高尙偃臥鴻妻及驥子詎復計坎珂當時福不知事後淚漬漣
往者不可諫已矣孟甌破長樂老復丁顏箋作家課誰謂諫果
甘解渴不療餓所以王參元客不弔而賀

人日懷子屏

人日梅花冷草堂門晝扁頭顱春賸雪骨肉曙零星寫我年來

况知君病裏聽寄詩爲問訊應復惜惺惺

花朝

厭聽連宵雨朝來鵲噪晴喚回孤枕夢報道百花生纖手釵懸
綴枝頭綵結成年年逢此日憶着不勝情

掃墓作二首

人窮無可告輒復呼父母我父與我母棄我卅年久麻鞋兵火
中皮骨空奔走歸來躬負土不孝念無後連年歌弄璋教子逮
娶婦顯揚卽難知書香足世守表阡猶有待瀧岡繼歐九此願
已垂成此意忍回首仰天天何高愴地地何厚哀哀告父母父
母知之否中表少嬉遊與我爲結髮雖非新婚別石濠吏牽控
華廬遺詩 卷三 二

歎息彌留時咫尺渺秦越新人不忘故遺女相煦沫掌上露爲
珠曙後星亦沒天上竟無才新宮促銘碣巫陽下大荒陳情不
能奪萬慘決一瞑猶欲補天闕媧石能煅煉臣精奈銷歇人苦
爲後死藥苦爲獨活

題任友濂

艾生

哭兄詩冊後

公爲蒼生出天平竟若斯事關全皖大情豈一家私 國史馬
援傳山碑羊祜祠淮南都一慟况是哭兄詩
自古臨淮悍年饑大可寒吏須才足將民乃贖還官徧撫流亡
易重圓骨肉難我交昆季久卒讀淚闌干

哭兄詩

任艾生

廷鏞案友濂先生哭兄詩凡三十首而先生叢稿中有此十四首意友濂先生就正於先生而經先生所點定者援昌黎集改盧全月蝕詩例附錄於此仍注原詩次第於後

出山遑敢惜分離咄咄天心未可知殺賊屢瀕垂死地振荒偏有殉生時飛來急耗驚鴻遞盼到長途恨馬遲千里星奔慳一面言哀不盡哭兄詩 其一

寸草同心眷落暉少經兵燹背親幃當時與我身誰贖到此無兄涕更揮一日愁腸九迴轉卅年同氣半睽違鶴鴿急難嗟何及忍向白雲起處飛 其二

我鄉已酉值年饑破屋流亡水半扉籌振固應爲倡率過庭何以慰歔歔風蕭巷口晨分粥霜冷街頭夜給衣少小生成

莘廬遺詩

卷三

三

情悱惻希文憂樂此先幾

道光二十九年我鄉大水先大夫倡捐振濟出倉儲平糶時兄年十

三晝夜襄

其四

師事子瞻弟子由對牀風雨讀書樓寒燈照見成雙影人品先期第一流縱使功名裘累敝每論時事劔生秋長江鎖斷

金陵踞鄉里猶資借箸籌

兄五應院試未獲雋咸豐三年江甯失守盜賊蠶起兄隨先大夫辦

團練

其五

天狗星驚殞地殃江南從此壞城長蘇臺金粉遊麋鹿梓里衣冠踞虎狼誰謂魯連無大海須知聶政有高堂斯時親在敢言死野渡浮家夜色蒼

雙星長互天庚申四月蘇常淪陷同里某諸生從逆克復後伏誅

其六

荒村月黑走燐青消息傳來不可聽屈氏有嬰殉夫子何家
無忌賸孤丁流離骨肉難圓月寥落親朋又散星珍重堂前
甘旨奉拔釵邱嫂暗調停二姊夫亡鬱死遺甥費鴻鈞四歲家用告匱嫂陸氏售首飾以繼
其八

八月中秋二月春連年霜露味酸辛晏楹書燼猶遺訓歐荻
灰寒况耐貧剗地冬青躬負土箋天字赤血沾巾劬勞未報
蓼莪廢敢謂揚名卽顯親八月十日先大夫棄養明年二月十二日先太夫人見背先大夫自撰楹聯教子成名須平心地立身修德無愧性天先太夫人知書勤家政常挑燈課不肖輩漏至三下病亟時兄血書上
禱 其九

誓墓心情鬱劔花城狐社鼠亂如麻義兵雪巷空籌餉浪蹟
莘廬遺詩 卷三 四

申江且寄家王粲依人尋地主陸機別弟感天涯洛中此去
未名噪初試飛輪泛海槎雪巷沈氏招勇圖恢復兄爲募餉勢單不果同遷上海同治二年兄婦翁陸秋丞觀察官豫因挈嫂往依余與費甥移居浦東 其十

大典掄才重 帝邦吹竽逐隊按新腔行歌燕市聲偏激名
落孫山氣未降安用毛錐遊沈國恰傳音信到吳江寄言弱
弟年差少努力三餘課夜缸 其十一

釣遊舊地假歸來十載離鄉夢暫回劫後棲身欣有舍門前
避債幸無臺范家未遂承先志藉氏猶存數典才汶泗淵源
流派遠一編鄭重手親裁十二年乞假歸里修譜始祖當陽侯在孔門七十二賢之列祀任城

汶泗坊 先大夫欲 建義莊力薄未果 其十五

驛路風高送馬蹄八山下望雲霓柘桑地關青連陌楊柳
陰濃碧護堤康誥誠求慈赤子周官已債貸黔黎猶餘小醜
從容定安堵從教息鼓鼙兄家居三月仍赴壽州皖民不知
蠶桑每歲抄委員赴湖州購桑秧

並雇桑匠備機具教
導於是壽綱出焉 其十六

每值公餘攬勝區泉聲汨汨聽珍珠埽除烽火成清淨點綴
江山入畫圖小隊弓刀親校射大方裘帶客投壺不知今日
思羊祜可有新碑墮淚無壽城外修復珍珠泉親與
士卒騎射賓客宴飲其間 其十七
飛來無數雁哀嗷赤地中州竟不毛已請發棠聞大吏復經
分俸集同曹泛舟手草星馳檄築舍躬巡雪滿袍最喜明年
歸去日春耕正值雨如膏其十九

辛廬遺詩

卷三

五

兵氣全消悍未除鴟音漸革泮林居鍾離天險城環雒孫叔
坡開牧夢魚廣道馬馳容並轡連橋虹亘跨通渠中流尙有
膠舟恨未濬沙淮入志書其二十

草溝廟行并引

友濂以哭兄詩屬點定既封還又函述淮南五河鹽卡

汪直刺金耀夢畹香偕至一廟謂奉帝敕封是處河

神時光緒己丑月日也翅晨往草溝集謁廟如所

夢白督銷總辦許觀管發銀八百新是廟去冬夢於家

人曰如有食物送大王廟時異地異而夢同焉昔柳子

厚死柳州夢於部將歐陽翼曰館我於羅池柳人神之

爲立廟昌黎誌子厚墓不及此事別爲羅池廟碑今曹

君允源誤次公行狀上 史館余詩從韓例也

世閒險事安有此十萬蟻賊三千士四十五日外援俟雒河集事

閒快事安有此十萬飢民一飽喜七年前積常平米世閒奇事

安有此殺賊不死振荒死以死勤事死猶視英靈約束黃河水

河來塞外九千里鄭州一決皖釜底淮民籲天忽破涕還我任

公奉 詔起公撫流亡隱亂弭風雪周巡寒骨髓巫陽下傳玉

帝旨奪民好官錫民祉臨清凱旋舟不駛龍神助漲三尺咫公

之前身毋乃是同治年各大帥會剿捻逆於臨清捻旣平皖撫英果敏公先歸以四萬人屬公統率凱旋渡河

水涸有龍神入舟拜禱版行頓漲三尺餘師畢渡 卽今合龍河順軌公亦效靈報

莘廬遺詩

卷三

六

天子公之事蹟宣 國史我徵軼事夢兆紀病慨文誠騎箕尾

後鳩侍郎辦振蕩於中州公病中自歎曰我其爲袁文誠乎竟成語讖 老友純叔乘赤鯉夢卽無

徵徵諸理君不見雉河集兵馬洗草溝集大王祀

書事五首

河水入中國并千七百川可憐漢武帝報罷齊延年一自宣房

塞因之故道湮分明三策在下策至今傳

歲修循例報一潰忽中州豫皖相連界黃淮又合流賑兼鄰省

協例獨鄭工優虛牝黃金擲司農仰屋籌

側聞都水使新自海疆移罪責尹忠後詔宣王景時是真通禹

貢特簡重堯咨到及霜初落柏冬行剋期

斷冰奪溜下萬馬勢同奔野燒薪猶屬風摧纜僅存將軍比馮
異大吏亦王尊底績元圭錫還須善後論

奏上安瀾賀乾清頌不如告功逢國慶頒詔先春噓江上猶噉
雁齊東又上魚須將撫恤事併入志河渠

送春二首

驪歌欲唱淚沾巾春自送人人送春說與東君也悵悵年年少
一送春人

千金一刻未天明珍重今宵惜別情人怕酣眠我怕醒年來厭
聽曉鐘聲

立夏二首

莘廬遺詩

卷三

七

去年迎夏住鶯湖湖上歸來伴已孤一樣櫻紅蠶豆綠銀魚風
味略差些

人貧世富感乘除小市江鮮入饌初贏得老饒留口喫棟花風
裏買鱒魚

牡丹盛開有感四首

天彭歐范譜當時新樣重翻脫換奇卻怪法華李評事託根雖
好奈將離

法華牡丹以芍藥根接出李評事丙耀家芍藥名將離

爲愛奇胎怕損芽耐寒長倚玉闌斜不知清淚澆多少肥了愁
根瘦了花

同病相憐各斷魂退脩齋裏長苔痕此行莫向怡園過愁說看

花到子孫

曷生遺恕甫之變往吳門
怡園牡丹廳日看到子孫

背鏡擁髻影纖纖紅燭高燒國色添
自笑衰翁禪力定纔經惱亂又莊嚴

梅雨書悶二首

天亦如人悶陰霉積太空況余憂悄悄復此視夢夢霧氣薰甑
上雷聲鬱甕中深愁無急淚散作雨溟溟
書長人已困晴少夏猶寒但覺裹頭重須防軟脚看罨蒸
腐謎隱鞠翦乾采藥天隨賦叢書擬續刊

消暑雜詩十首

古人三不出長夏閉門佳洪範徵時燠離騷竟月齋清風希有

莘廬遺詩

卷三

八

道甜夢到無懷跂脚北窗下何須更繫鞋

軟紅塵浩浩觸熱尙衣冠招隱三庚伏趨炎二子彈

吳元美有夏二子傳珠蘭茉莉來自閩粵圖掛北風寒爭似

見建炎以來繫年要錄二子謂蠅蚊也

花移南海遠

幽居者蕭閒心地安

靜躁固殊致翛然獨坐忘詩寒能辟暑理妙亦生涼草滿窗前

綠蓮開溪上香沈瓜與浮李未洗熱中腸

炎官行不到天壓綠陰低松閣通明聽蕉廬懷素題情多除懺

佛句好類扶乩向晚披襟快東風簾捲西

記取黃梅過收藏曝日暹碑鉤新出土卷貼舊題籤贖本從頭

辨蠅書跋尾添香芸留辟蛙特地下湘簾

地僻少塵事消磨點勘中說經郵考異學道契參同硯滴荷香
露箇開竹素風掩書還靜坐一抹夕陽紅

三匝榮陽困大風西北乘讀書論快事得雨洗炎蒸水吸羣龍
立雲噓萬馬騰陰疑陽一戰甘雨滿溝塍

暑從雨後解氣入夜來清風急星高動雲飛月倒行撲塵防蝠
暗滅燭得螢明聽取乘涼坐山歌接尾聲

潺潺喧百沸瀑布出山非連雨野田足放溝新水肥噉鮮魚逆
上刷濕鳥低飛赤腳兒童報前村沒釣磯

寒暄天釀病藥物預搜羅性本隨時主心爲救疫婆食仙憐死
靈佞佛咒生螺坑火茫茫劫清涼一服多

莘廬遺詩

卷三

九

釣月舫觀荷花六首

心清風定亦生涼鼻觀微參自在香莫道牽船上住花爲四
壁水中央

淤泥不染立亭亭佛諦仙胎儒性靈會得允明宗教旨花紅藕
白葉青青

月明聲沸采蓮歌消夏灣頭蹟已蕪不信吳根兼越角釣師占
斷好煙波

相逢孝穆話匆匆三宿浮屠係戀中風露一天涼似水乘槎直
到廣寒宮

徐君藻涵
留宿於此

身世虛舟逐浪推百年幾度看花開紅衣漸褪秋光覺怕向恆

河照影來

距立秋兩日

小樓意匠稟初成白石先聞度曲聲寄語分湖陸子敬舊時月

色好題名

楊鐵崖東維子集陸子敬居分湖壘石爲山種梅成林取姜白石詞語顏曰舊時月色今西巖擬補築一

樓故詩以爲券

苦雨雜述十五首

閣閣蛙聲九月時不知秋夏況官私朝來莫怪屠開禁人餓何妨食肉糜

望庚課丙術無靈澤國茫茫野不青閉戶渴飢非我責也愁一曲雨淋鈴

漠漠水村岸界連須知滄海本桑田開門便有望洋歎悔讀南

華廬遺詩

卷三

十

華秋水篇

天寒霜落風乾號河伯無端弄雪濤髮鬢靈均堂下水吳儂哀唱楚離騷

能事休催待細摹白描栩栩欲相呼漫天黯淡人消瘦好補東坡笠屐圖月槎爲寫白描小影

舊雨書來今雨沲杜陵臥病近如何胸中廣廈空千萬悽絕秋

風破屋歌子屏臥病

鬱鬱何堪此久留儻然別我海天遊逍遙堂上瀟瀟夜苦憶天

涯老子由彌生遷居滬上

名園五畝昨經營打斷閒情積雨聲連我題詩都擱筆東山未

出爲蒼生

骨肉凋殘莫反魂夢通血面叩天闈累他十萬田廬歿帝賜九

河湔淚痕用昌黎句

深叢兀傲踞飢羸此是當今崔立之裹飯衝泥行不得昌黎空

賦子桑詩欲訪元簡不果

十圍腰腹百城書但作文人肯自居不道年來病消渴茂林秋

雨臥相如達卿病甚

掉頭歸去雨聲粗差喜荒年熟一壺負郭有田都割棄免教敗

興爲催租

生死交情兩不渝感時懷舊沈腰臞東江一曲南洲榻借作蘇

莘廬遺詩

卷三

七

家聽雨圖詠韶善兩亡兒近亦多病

甘石無靈季主庸年來西法獨推宗橫江幾見沒黃應離畢方

知太白凶

秋老山深腹洞開牆頭雲接浪花堆乾坤閉後萬蟲俯天遣蛟

龍啟蟄來

失題四首

寂寞聖廬感滯陰五行災異志推尋八月廿四日天廬災諸天滲漏驚秋

逗大地荒寒恐陸沈飛電忽伸馮婦臂憂時誰識買生心羣公

袞袞同高會屬草躑躅獨夜深

冬災愁滲動春聲 溫詔重申吏奉行但說三吳居就下須知

九則貴持平 聖君賢輔千秋會 寡婦鰥夫一鬩爭 總是 盛
朝寬大事 天和感應愛冬晴

赤腳街頭白髮農 爲言奇潦百年逢 占謠不信新黃沒 離畢方
知太白凶天遠 九門蹲虎豹 山深一蟄啟蛟龍 杞人自笑迂 疏
甚或恐飢寒意外恟

三吳財賦困愁霖 徹土何曾未雨吟 治水東南無單鍬 滅漕西
北有周忱 天恩蠲緩原區別 地勢隆窪待酌斟 來得順風去
者怨日須千變 應人心

和匏齋下榻退修卽事原韻別後卻寄四首

退修門半掩 一寂似禪那 天上劉雞少 人間桀犬多 舐丹從下
葉廬遺詩 卷三 五

界吠影隔明河 高處寒如此 瓊樓仰馭娑

談塵妙天下 難驅世上蠅 捕風聲競逐 掬月影虛承 魔覷仙猶
劫禪高佛不 膺營營偏得意 批引到根繩

勘破偃師眩 方知位業眞 眾咻三楚合 孤抱一燈親 今舊兩無
恙 成虧月有因 廓然吾道廣 何損太邱陳

髡柳年來病 君衰尙健 詩秋來方合 并意外又分離 忽忽舜湖
夢 迢迢海上思 遙知三處月 惆悵夜深時

題錢子甜寶惠照

廿年影事記 猶存秋賦相逢話 白門省識畫圖無 恙在射潮家
世舊王孫

叢桂連蜷老榦橫年來夢亦斷春明江東尙有羅昭諫近況無聊爲寄聲

題沈根黃

廷鐘

采芝圖四首

遲步姍來比竊聞反生無術水沈薰小鸞夫婿不成夢仙語猶煩李少君

言尋香雪萬梅花忿阻前溪一道斜遙指隔溪樓閣處青芝塢裏是儂家

少亦多情老復癡悼亡人讀悼亡詩劇憐白髮蕭疏甚不入商山唱紫芝

霧鬢風鬟畫裏收展圖還憶雪鴻留紅蘭一箭芝三秀根觸年

莘廬遺詩

卷三

三

時道蘊愁

五妹字沈香署郿即嫁有期矣先十日而卒時庭有建蘭產一芝瑩碧而香

水退後舟泊吳江城外五首

寒鴉夕照卸帆時小市臨流矮屋欹一種倪迂荒率畫孤城如斗塔如錐

江頭湖尾接蒼茫遺象流傳尸祝香不信年來靈蹟替一杯重

酌喝波王

城根水退濕猶蒸細認苔痕又一層怪道不沈三版險新齊諸記古松陵

欲尋遺址弔三高蘆荻蕭蕭半歿蒿髣髴靈均堂下水鱸香亭

畔讀離騷

已歎咽喉塞未通退潮時節又東風莫教錯認桃花漲楓落吳江冷豔紅

松陵水災新樂府十六首

八月二十四日雨訖十月四日止吳中大水吳江震澤尤窪下昔白氏香山自序其新樂府曰其詞質其言直其事實而覈道光癸未婁姚春水先生倣其體爲水災新樂府余鄉居目災狀冬甚於夏旣達下情終宣上德時會攸殊立言各當要無戾於白氏諷諭之旨惜不獲起姚先生於九原而一質同異也

老農談

歎奇潦也

莘廬遺詩

卷三

齒

白髮老農談故事嘉道以來水災四嘉慶甲子年繼道光癸未下逮已酉甚泛濫皆夏季中閒辛卯十月潦猶非癸巳冬災例是年木棉荒吾鄉水禾刈今更一尺強來多去路開老農問年九十餘說所未見涔涔淚

沒黃謠

傷工本也

五月沒青苗九月沒黃稻沒青苗補種爭遲早沒黃稻工本賠多少一年辛苦收成好舊穀吃完新穀搗眼看水底穀生芽畫餅充飢那得飽君不見黃稻又變青苗了

撩水稻

憫寒作也

風蕭蕭舟搖搖入田心不用篙今年稻近三尺高四十日雨

淹過梢長柄鎌橫插腰脫布袴換糟燒天寒裸體水中撈可憐
凍死不敢號不撈水稻全家枵

看喬扞

慨竹貴也

獨漉獨漉水田可穫水場不可築一時爭買喬扞竹市上竹價
貴於玉鄰村月黑鑼喧逐聞失喬扞賊未捉吁嗟乎失竹如失
玉失玉猶可況失穀扁舟夜伴喬扞宿

蛙上牀

歌毀室也

通轉屋碌礪場茅蓋脊泥塗牆泥鬆壁塌宛在水中央犬吠高
岡人避何方蛙跳上牀小兒夜惶小兒且勿惶明日愁飢腸沈
竈濕薪然不揚誰家破屋炊煙香

莘廬遺詩

卷三

五

鬼打門

哀漂棺也

荒江夜雨沈孤村潮聲鬼聲亂打門破曉驚定關門腥漂棺無
數隨流奔風浪一掀地覆天翻骨葬泥渾巨魚吐吞有人撈置
高墩脫和姓氏無存嗚呼生者方及溺死者復蕩析魂招何處
啾啾泣

春花歎

恐失時也

水來如箭水去如線冬水不脫腳春花難見面年年稻上場便
趕春花忙小熟亦足資青黃今胡爲乎豆麥未下菜不發秧深
恐穀饑菜又饑辜負春長二月閏

起潮頭

惡搶米也

雨勢潮頭響水信潮頭上米價潮頭長謠言潮頭闕叶連年穀
賤物反極升米廿二忽四十市僧居奇商客絕大戶出米小船
截嗟爾大戶何不留賑貧嗟爾惡少日晝敢橫行豈不聞開糶
籍劫禾刑

桑田變慮飼蠶也

東鄉紗西鄉絲田下澗桑高陂高陂下澗一水匯桑田變太湖
太湖變滄海欲填滄海桑改柯一冬號寒且得過蠶出窩可柰
何

野鴨陣悲狼藉也

寒月淨漫天暝雨颯沓風暴橫連村驚起野鴨陣高田泥猶澹
莘廬遺詩卷三去

低田沒過脛高田急收低田賸踏冰不下軟腳病緩割稻梢過
冬令野鴨陣野鴨陣又來與我爭性命

耕牛哀

夏服箱冬上棚豐年上棚牛腹餓凶年出棚牛淚沓牛胡爲乎
淚乎人何忍乎牛屠水來沒稻稻無草明年打水計尙早嗷嗷
只顧眼前飽亦有當牛代爾牧水牛青銅千黃牛五陌足牛斃
無償猶斃鯨

冬雷諺防寒疫也

十月雷人死如灰堆我聞古諺爲農哀今年旱黃梅吳農謂田忙爲黃梅
故收稻時羽作水黃梅水芸暑猶咨水稔寒更祈冽骨砭肌孔
爲旱黃梅翻

血淋漓濕滯脛疲寒疫中之除非良相爲良醫莫唱滄江杜老
詩

縣官來

美勘災也

雨聲停風聲怕縣官來從天下大船峩峩官旗張小船微服周
窮鄉九則高低隨測量爲詢疾苦顛末詳里正報災事機會慙
一做百黑老大縣官行風聲平天老晴

道旁兒

勸育嬰也

凶年不幸夢維魚維魚維魚其魚其魚多男多女將何如飢無
乳到口寒無襁可負溺之良不忍賣之誰復受嗟彼父母心含
淚棄道右嗚呼凶年保赤卽父母

莘廬遺詩

卷三

七

搖紗嫗

調恤糶也

有田踏車無田搖車夜搖紗朝換花老嫗入市夜紡問紗爛
賤說花長一兩換頭無四兩剗肉賣布不醫痒悲哉悲哉水荒
坐吃柴米艱怎不餓煞搖車灣

皇恩沛

紀特恩也

三千里外雨四旬飛電謹呼天上春 聖心飢溺 聖母仁嘉
平月望宣 恩綸 深宮節儉民艱廛撥帑核放災區振捐賦
不限冬五成大吏承宣長吏循天人感應黃綿溫三吳奇潦無
流民

紅梅綠萼水仙盛開戲作用東坡蔡字韻

靜女頰薄怒妝掩徐如半翠袖倚單寒日暮佳人歎宓如禮自
持羅襪肯褻玩東風一入髓暄妍四肢散天遣美人來爲作老
顰伴邢尹各風流環燕憑月且配以白石盆供之青玉案曉起
雨溟濛粗服髮凌亂晴窗略梳裹靚妝春沃盥子影閉門居裘
輕帶初緩卍妙相挾持迭代如魚貫奚須媒接懽翻恐郎當悞
年少看花場到此若冰炭匹如枯禪僧闌入爭春館雒浦微詞
通庾嶺驛信暖甚矣吾其衰子兮如此粲

莘廬遺詩

卷三

六

莘廬遺詩卷四

庚寅

桃塢百詠月卷
十三首

吳江凌 泗 磬生

閨花朝

百花沈病雨瀟瀟到此魂蘇漲亦消莫怪東君大歡喜又從彌

月作去生朝

過三節斷見築圩岸感賦

布穀聲催杏欲紅漫移賑羨促圩工確庵不作舍齋逝誰肯綢

繆未雨中

陳確庵先生開蔚村澗舍
齋開在字圩皆築圩岸

舟行兩岸低田水退而稻未收亦有爛在喬扞者春花則

希見矣

莘廬遺詩

卷四

漫把春長閨月誇隔年枯稻架了义分明水墨荒寒藁略用藤

黃點菜花

泊舟棟市

路過烏青岸腳寬桑芽抽暖柳回寒東風吹綠偏濃重要把文

章浙派看

泊大關

計程較近過江村不比官塘按站論鈔出秀州城外路清齋休

問鳴餛飩

舟中
素食

西湖

西湖比西子風景近如何一別卅年久重來雙鬢皤歲荒香市

盛亂定 賜祠多轉恐歸期促匆匆走馬過

續水災新樂府兩首

有序

秋霖爲災 朝廷發帑 賜振錢漕分別蠲緩於矜恤
之中寓釐剔之意仁之至義之盡也鄉農蚩蚩藉口逋
租於是業戶之困有甚於佃者單門薄產絲粟不入米
珠薪桂爲日正長書曰一夫不獲時予辜孟子曰君子
平其政亦當事者之責也余爲水災新樂府復續兩首
仍無戾乎白氏諷諭之旨云爾

高田樂 傷風俗之變也

低田哭高田樂低田落水一頓粥高田入市糶價足糶價足當
華廬遺詩 卷四 二
頭贖自田已緩徵租田好賴局高田隱受低田福得福不知嬉
酒肉酒肉不已浪賭博我爲寒心高田樂

業主歎 惜善政之偏也

不工不商田不力有佃爾田主執業一年所出一冬入寅年喫
卯此救急世事無常物反極往歲疆家弱肉食今奉停徵藉口
實高區連結勢橫絕扁舟往取面冷鐵稻堆如山分不得忍氣
歸來諸債逼佃戶黠業主泣

續書事

頌爲河清獻時逢濮議興榮編新玉牒密冊古金滕 后德宣
仁邁王封宋秀仍孤忠曾有錄大禮愧模稜

除夕四首

少微星隱入秋時，士有虛名亦自疑。喫過過年年夜飯，變羞翻

作倖存詩。少微星隱處，士有以不死為恥者。今蒔丈袍，公昔我鄉之望也。

攜燈來往夜無眠，折券聲中了一年。店債遍清詩債欠，可知不

值一文錢。

強將駱馬換風流，怪道楊枝不肯留。知否香山老居士，明朝六

十正平頭。五月中遣一妾。

情重吳門疊賜牋，幾回裁答幾遲延。今宵忽報東山道，飛電還

來已隔年。十二月中綬之來書三通至此併復。

辛卯。浮梅日記另卷二首。

莘廬遺詩 卷四

退省庵今為彭剛直祠

三

楚江直下浙江流，千里長江百戰收。如此湖山淪浩劫，竟迴天

地入扁舟。當年南嶽茅廬起，終古西泠祀典留。自是 聖恩容

退省漢留唐鄴託仙遊。

潘童子刲臂詞

潘童子年十五，秋疫行歲壬午。母氏沈朝露，滑廟笏凶醫藥吐

夜焚香跪三鼓，上皇天下后土痛兒父。顛兒祖手姊剪臂兒脯

藥煙香和肉，袁進一七驅。二豎恐母知，裹血縷姊見。癢踰年暑

聽姊言知母愈，母愈後九年所奉旨。甘力田努名洪昌，早失怙

邑東鄉沈莊戶，述其事。外姑浦誠動天，愚孝古鄴人對儒生腐。

壬辰 十九首

壬辰元旦

我生之始歲重逢時事番轉磨同舊部江淮探赤白新裝夷
夏競青紅直教眼看三千劫贏得頭銜六一翁卻檢歷書春較
晚探梅有約不匆匆

元宵桃塢函訂重遊鄧尉擁百病愈拉蒙叔偕行礪生書
來吳倉石貳尹俊亦有是興詩以速之寄礪生滬上

往與西山約看花歲例循卽今萬梅樹又是一年春舊識沈家
令新知吳野人寄聲憑驛使相就莫逡巡

去年鄧尉之遊正月廿八日返棹今來五畝園同遊諸君
莘廬遺詩 卷四 四

皆未到聞擁百病後腳軟蒙叔傷將指綬之傳電函催
時漏二下

帆重舟輕織雨絲去年此日話歸期如何投宿盧行者不見尋
芳杜牧之天做春寒調歲閨客緣病軟呪花遲遙知飛電傳騰
到猶是參橫月落時

答蒙叔卽用其韻

蕪荒園小鎖寒煙霽色新開塔影偏病後恰逢人起榻門前又
報客停船衰年別久重相認昨夜思深耿不眠一事見君慚付
託匏齋零落錦囊聯委校匏齋
遺集未竟

贈綬之用前韻

寒山無復驛馳煙小築城根地亦偏茂苑鶯花開僻徑海天蜃
市放歸船避喧只恐添晨嗽索笑猶拌損夜眠七子庵邊舊吟
社千霄重見客星聯

贈我庵再用前韻

聽唱編郎破曉煙東風帆峭向西偏竹中賢數山王貴岸上人
看李郭船好趁新晴逢蟄啟諺云驚蟄看梅要圖雅集倩龍眠舊遊珍
重郊寒筆根觸昌黎會合聯

七友探梅圖七首

茫茫蜃市倏抽身小築桃源亦避秦偏是梅花劇狡獪年年騙
出洞中人緩之

莘廬遺詩 卷四

五

簾幙疏香柝凍胎春回東閣綺筵開如何也向西山去不看官
梅看野梅栽庵

文成賓戲客嘲裏人在唐詩晉帖閒合趁梅花好時節浙山看
盡看吳山歐齋

石樓高處欲移家坐箇蒲團靜結跏骨相太癯春太冷辟除煙
火嚼梅花閩溪

病餘腰腳尙輸人聞信探梅七發新一笑江湖壯杖筆不曾題
到太湖春手龕

回首前遊十八年傷離感逝雪盈頭舊人賸有何哉在說與梅
花也惘然友濂

匆匆花甲轉頭時此後餘年未可知多謝山靈須記取一年一度爲梅癡

莘廬

期而不到者四人各系一詩四首

處也妙三絕立之窮一丞杜韓不可作崔鄭有誰稱世盡侏儒飽臣猶刻畫能腳鞞手板裏幾見骨岐嶒

吳倉石由訓導改丞工詩畫及籀書尤精

刻篆

白蜺荒江上孤村入畫疏延緣楊柳岸中有杏花廬人瘦不食肉醫窮只著書若從容位論誰識子雲居

諸杏廬

天地有時閉冬心入病深東風吹又至一蠶不求伸元亮昔三徑彥威今半人甯然遺土視兀者亦迴春

柳攷廬素患風時病痿

莘廬遺詩

卷四

六

一弟不相保

廉叔

於君倍有情我猶居鬱鬱君獨重行行廡下

鰥鴻淚朝來鵠雉聲寄言牧犢子留看綠陰成

退庵弟客滬上悼亡新續

失題二首

廷鏞案先生弟廉叔募修北蘆墟橋事

惠州新兩橋子瞻正居謫逐臣不自聊腰犀濟眉急于由遙伏兄寶錢新賜出我弟方鳩工喃喃語易質盛志齋餘哀賡續敢辭責竊比東坡翁時年六十一

詹策問靈均嶽宛告昌黎叔重解口卜疑事尙書卜神降鶴歸來駢儷追梁齊憫彼民病涉意婉而聲淒主進釀錢物督役親塗泥神助弟陰相我名何敢題

癸巳

六首

正月二十日至光福春寒勒花綬之同莪庵歐齋孚龔友
濂集鞞園在銅井山下潘偉如中丞別墅有彭剛直公
墨梅畫壁縱橫徑二丈許自題七言長歌書畫蒼勁詩
更豪宕側綴一鶴潘君鏡如筆也中丞護以朱闌顏其
亭曰守梅用東坡飲郭正祥家畫壁韻

寒封黍谷

蛰不出

時交驚蛰

廣平娥媚迴鐵石幹旋十二萬年春

原詩

有十二萬年春不滅句

東風吹上雪色壁此壁舊是尙書畫東坡自喜不

遭罵美人香草補離騷此花乃是知己者

公有一生知已是梅花印

公今上

天箕宿光下照平泉森寒芒旁寫孤鶴亦好手迴立不飛伴龍

吼

莘廬遺詩

卷四

七

附錄

彭玉麀

鞞園粉壁淨於雪令我狂醉污潑墨亂寫梅花縱復橫千枝
萬枝虬如鐵縱有五丁六甲來費盡神力不能折任他美人
月下看任他高士山中歇羅浮仙子競歡顏姑射神人開笑
靨繁華最厭輓紅塵清芬壓倒眾香骨記得當年顧虎頭滿
壁滄洲畫妙絕我今潑墨畫梅花寄與鄧尉滎陽宅道子傳
神筆已枯疏影暗香寫不得主人有鶴守天寒冰雪心腸有
誰識世事原如壁上觀何必定須分皂白留將清氣在乾坤
十二萬年不許滅

同人遊柏因社春寒勒花次日歐齋欲遊洞庭山風緊不

可行二十二日改遊虞山凡三日菴庵至蘇先返

扁舟移泊譚園來萬萼如椒結凍胎一笑諸君太癡絕忍寒襍
被等花開

興盡何妨徑折還海虞重到廿年閒石梅突兀新祠宇不見凌

家一角山石梅新建繆公祠前見凌家山石碑徧覘不得矣

寺燒象笏十分脆舟饌江鱗一尺鮮卻憶留園歌舞譙不知下

箸幾多錢時留園演劇團拜

蒼翠濃皴勢攫拏始知石谷此名家石谷畫得力於虞山昇行恰過桃花

澗拾赭歸貽蔡老槎桃花澗產赭石極嫩者佳吾鄉蔡月槎有此說

弢廬食古齋遺集刻成題後

莘廬遺詩 卷四

荒江兀螿草元時載酒人來鬢盡絲每借翼亭元簡預約平生

文互定須知後死責難辭心傷餘慶傳我庵集貫付才薄

微之論甫詩校罷哭君還自哭遺編權當寧馨兒好詩權當寧馨兒君贈余

也句

甲午 八首

正月廿八日雪後冒風至同里訪友濂赴探梅之約夜大

雨友濂宿余舟口占兩絕

雪打春腰寒到骨雨敲篷背響於拳誰知此夜戴安道卻與王

子猷一船

十日前頭去客回孟婆青女又相催世閒竟有癡於我辜負春

鐙看落梅

時同里出馬鐙

探梅

一年一度爲梅癡此語山靈共聽之約友偏逢多事日尋芳直到拗春時誰知就暖爭開處儘有禁寒晚放枝畢竟看花看結子不應惆悵牧之詩

廣憶梅詩和孚龕

聞說吳興沈下賢鴛鴦湖上故流連書來怕過西州慟約看梅

花閒一年

歐齋

雪花如掌雨如塵春暖重寒做拗春等到放晴人不到翻教人

憶憶梅人

孚龕

莘廬遺詩

卷四

札

去年來早此遲行花落春寒弔廣平天意亦知人感逝故先驚

蟄做清明

莪庵

倪黃畫手潑雲煙石壁窩中抵足眠不獨此圖成絕筆梅妻鶴

子也成仙

費廉卿

懸簾醉臥穩於槎二十年前春興賒滄海飄零人事改苦爲生

計負梅花

退庵弟在上海

丙申二首

唐指冀大令乃昌以先人立軒司馬起鶴秋窗學畫圖燬

於庚申倩陶松石重繪補書殷譜經侍郎詩憶壬戌識

司馬滬上今三十五年矣陶翁作此圖年九十旋化去

侍郎詩從齋莊中正堂集錄出卷中近題大半亡友書
此輒復黯然

避兵海上居思難而翁識便面圖蘭亭背縮王家帖司馬畫欽
明經楷書此畫久通靈鸞湖訪舊惻玉雪稱家兒馬監早通籍

定武本序轉粟漢都尉重洋走輪舶歸看浙西山李將軍著色慨念手澤

存遺圖淪浩劫歸然貞白叟猶及典型式侍郎昔留題宮允續

點筆記過侍郎家和韓見籍湜匏齋與攷廬次第斟遺集先民

不可作同輩半存歿徵詠已三年欲題轉愁絕今成感逝篇為

君述祖德

歐齋書來匏齋遺集刻成感題

莘廬遺詩 卷四

朋試論交到白頭士龍西屋寓公留君與純叔主亡從
弟礪生退修齋中韓濡大

筆習之健純叔修吳江
志君任列傳杜愛苦吟白也道君與子屏唱
和異曲同工如此人

才空一世斐然遺著各千秋綴之刻含齋集義庵刻食
古齋集今歐齋刻匏齋集自慚郭

復翁差長弁序袁朱淚欲流頻加先生序袁湘涓朱鐵門遺稟
長於袁朱皆七歲余長於攷廬匏

齋皆三歲
含齋五歲

戊戌一首

輓蔣涓江內從兄文熊

九年前事婿鄉回椒酒春盤蔣徑開別去土龍官洛下飛將雛

鳳上燕臺庚寅春正過訪在尊齋晤陸幹甫大令同
席譙談令子蘊深今歲方以選科入吏部豈知吏部

銓衡就恰慰親門盼望來我是黃公壩畔客重來那不賦榮哀

辛丑一首

辛丑元旦

元旦晴雲氣象新從來否泰本相因環球共讀奉天詔隔歲先
回大地春想見官儀漢光武側聞 徽德宋宣仁梅花香裏探
消息留得餘生一老民

癸卯六首

九月二十一日為嗣孫光祖授室適余生在二十三日內
人在二十日感而賦此率成自壽六律即題小影

天上河來入望洋流年與水去堂堂數逾周甲明添紀生極逢
辰黯自傷年七十有身世月圓翻剝蝕家庭花好小滄桑回思

莘廬遺詩 卷四

志事嗟何就欲補蹉跎鬢早霜

孩提攫疾累年華貽我重親憂患賒三歲至六歲腸虫攻痛體

弱仲宣遲向學時危魯望早浮家江南乾淨衣冠萃海上飄零

骨肉差一棹歸來攜弱弟孤兒相對共咨嗟庚申七月全家避

連遭 先嚴慈喪又悼亡甲 子偕胞弟廉叔扶襯旋里

提倡三張嬪正聲少猶親炙兩先生南一沈先生 子松陳先生百年前志慨

新劫諸老遺文敢定評客氣未除難入道俠心相許總求名

權一散子由逝塊獨窮途悵步兵熊君純叔李君辛琬王從弟 彌生家續吳江志柳蒔庵丈

子屏同輯 國朝松陵文錄既而熊君純叔彌弟往賑河南熊 君歿於賑所不數年彌弟卒滬上李君及柳丈竹林相繼下世

壯志銷沈百不售閉門聊復課兒儂傳經樓上雙丁慧思子亭

邊兩淚流亡兒敏之密之子屏爲作合傳從此疏狂作消遣會尋山水便句留

而今腰腳都僵軟辜負探梅舊約遊辛卯壬辰謝君綬之姚君鳳生任君友濂施君擁百與余探梅鄧尉癸巳費君芸册沈君蒙叔來會並遊虞山綬之爲作七友探梅圖各繪小影勒石五畝園中甲午聞日本警電此遊遂罷今惟任君施君及余三人存

壯不如人耄及之少文自笑臥遊癡遭時敢作食牛想感事微

聞伏驥嘶八八添丁曇鉢現六十四歲得異彌月而殤重重羅丙爨琴歛庚子

正月初三火二月十亭林夙議嗣孫禮納婦剛逢是誕期門鼎盛不勝今昔之感

分湖鷺水堦鄉通前度人來似夢中前借亡婦僑居外家時一

賀火書慚王進士移居圖寫葛仙翁霜高圃菊香逾淡才退江

楓冷尚紅一笑古希今覽揆自題小影付詩筒

莘廬遺詩

卷四

三

莘廬遺詩卷四終

